

萍鄉道中

劉克莊

丁男放犢草間嬉，少婦看蠶不畫眉。
歲暮家家禾糲熟，萍鄉風物似幽詩。

萍鄉牛田鋪大雪

劉克莊

曠色蟠空起，獐臄激地吹。
漸看雲布濩，稍有霰紛披。
軟軟初飄瓦，輕輕已點墀。
居人朝未覺，客子夜先知。
巧似莊嚴就，勻如翦刻爲。
充庭冰氏喜，縞戶染人疑。
澀密苔緘遍，擎多樹壓垂。
高峯迷頂踵，遠渡失津涯。
窘兔低蹲草，僵禽默墮枝。
馬難分牝牡，鳥不辨雄雌。

萍鄉縣志

卷十二

志文

編甲

前作

七

倏忽斜還整，冥蒙合又離。
半埋官路堝，亂打寺廊神。
猛勢欺袍絮，寒光照鬢絲。
店荒敲盡閉，橋滑步尤危。
破釜羹霜菜，殘爐燎濕箕。
廢柱憐婦怯，露髻笑兒癡。
乍起毛皆蝟，深藏手亦龜。
犬驚隣吠急，鷄噤野鳴遲。
徧滿南轅路，翻思北戍時。
旌旗明鴈塞，刁斗亂鷺池。
呵筆堪飛檄，收燈可覆棊。
暮營蒙虎臥，曉獵臂鷹隨。
浴鐵成何事，披蓑自一奇。
空山吟忍凍，窮巷齧充饑。
授簡悲才退，烘衣感氣衰。
稍欣茅瘴薄，已覺麥畦滋。
病怕村茶冷，愁嫌市酒醜。
帶間三十韻，聊補昔人遺。

次萍鄉

明羅欽順 泰和

邑小猶能滿萬家山耕溪釣足生涯倦來不暇聽更鼓睡覺東窓日已斜

夜宿宣風公館

明王守仁 餘姚

山石崎嶇古轍痕沙溪馬渡水猶渾夕陽歸鳥投深麓烟火行人望遠村天際浮雲生白髮林閒孤月坐黃昏越南冀北俱千里正恐春愁入夜魂

宿萍鄉武雲觀

王守仁

曉行山徑樹高低雨後春泥沒馬蹄翠色絕雲開遠萍鄉縣志

卷十二

志文

編甲

前作

七一

嶂寒聲隔竹隱晴溪已聞南去艱舟楫漫憶東歸阻杖藜夜宿仙家見明月清光還似鑑湖西

再經武雲觀書林玉磯道士壁 王守仁

碧山道士曾相約歸路還來宿武雲月滿仙臺依鶴侶書留蒼壁看鶯羣春巖多雨林芳淡暗水穿花石溜分奔走連年家尙遠空餘魂夢到柴門

十二日風雨次宣風公館和王伯安韻伯安有天際浮雲生白髮林閒孤月坐黃昏之句爲一篇警策

篇警策

明歐陽鐸 泰和

馬蹄石路失新痕，潦水橫流一段渾。
兩邑封疆中作館，幾家烟火自成村。
簾前聽雨塵懷淨，山頂看雲樹色昏。
最是宣風天萬里，幾人此地謾銷魂。

次萍鄉

歐陽鐸

明發宣風館，秋陰得氣饒。
雲昏山欲斷，泥濘路偏遙。
近縣峯頭塔，橫江屋底橋。
舊時銅漏刻，強半土中焦。

宣風公館

明嚴嵩

分宜

宣風館前新雨晴，南北平分水陸程。
客心不奈寒溪水，一夜潺湲樹裏聲。

萍鄉縣志

卷十二

志文

編甲

前作

七二

萍鄉道中卽事

明吳廷舉

參政

霜雪中臺樹，風花別院牆。
絃歌將動響，田野未拋荒。
驛舍臨官道，郊居俯柳塘。
皇華程兩月，明日泛三湘。

萍鄉

明楊載鳴

泰和

故園烟樹渺蒼蒼，楚水巴山去路長。
最是旅懷無賴處，亂峯飛雪度萍鄉。

出萍鄉關

明熊汝達

進賢

雨歇澗聲微，旭薄山光淡。
鳥影落橫塘，涵虛淨如鑿。
花村犬守扉，石徑人倚擔。
回首白雲關，離愁生黯黯。

自夜郎歸至萍鄉入江右界欣然有作

明 徐良彥 新建

黔楚崎嶇萬里天夜郎歸客去何年主恩雨露重生
慶臣罪風霜九死全喜見楊岐分故土卽隨香水下
輕船兒孫未識門前路遙望東來指日邊

宣風驛

女季華

泪痕拭盡嬾梳妝遙倚西風憶故鄉昨夜夢魂留不
住暗隨流水下錢塘

書懷

萍鄉縣志

卷十二

志文

編甲

前作

七三

莞爾堂和柳樞密韻

宋 向

鎬

知縣事

平生麋鹿性從仕匪所娛要非折腰具悠然暮潛夫
賦歸恨不蚤空悲歲云徂世情固險薄官路徒驚呼
君看得失際豈問戚與疎論心未必爾反眼何所無
嗟我與世忤正坐所見殊強顏戀五斗我豈不足歟
河南有良田亦有宅一區會當拂衣去俯仰聊自如
誰能搦上官迫促畏簡書遂令湖海上坐覺豪氣除
君言浪見許衆口方嗤予不學望塵輩甘心履危途
所得俱可恥山巖等毫銖古人惟事道吾行端不迂

莞爾堂夏日偶成

向鎬

槐陰參差日轉廊時看野鳥下橫塘微風綠拂簷管
影流水紅浮菡萏香座有琴觴真道院徑通花木似
禪房彈碁一局疎簾裏與子同消夏日長

莞爾堂和向公韻

明陸世勣知縣

數葉梧桐落短廊一泓秋水湛銀塘調琴獨奏猗蘭
操啜茗清飄茉莉香滄泣兩年同買傳癡默十載笑
君房於今不作武城客蓑笠魚竿日月長

宿宣風公館聞溪聲不寐寫懷

明陳輅推官

萍鄉縣志

卷十二

志文

編甲

前作

七四

旅館疎燈夜寂寞半窻涼思侵紗幕枕邊溟泮亂更
籌疑是山深風雨惡起看星斗還珠宮木樨淡淡吹
香風堂扁虛白入溪影源頭應與銀河通銀河泛泛
仙槎杳咫尺春臺霄漢表幾曲高歌驚遠雞鳥飛早
報溪山曉

贈人

送唐廩正字歸萍川

唐僧齊己長沙

霜鬢芸閣吏久掩白雲扉來謁元戎後還騎病馬歸
烟村蔬飲淡江驛雪泥肥知到中林日春風長澗薇

寄唐虞正字

僧齊己

新書聲價滿皇都高臥林中更起無春興酒香薰肺
腑夜吟雲氣濕鬚鬢同登水閣僧皆別共上漁船鶴
亦孤長憶前年送行處洞門殘日照菖蒲

寄楊岐西峯僧

僧齊己

西峯殘照東瀑布灑冥鴻閒憶高牕外秋情萬里空
藤陰藏石磴衣毳落杉風日有誰來覓層層鳥道中
送密老住五峯

宋黃庭堅
分寧

我穿高安過萍鄉七十二度遶羊腸水邊林下逢衲

萍鄉縣志

卷十二

志文

編甲

前作

七五

子南北東西古道場五峯秀出雲霄上中有寶峯如
側掌去與青山作主人不負法昌老禪將栽松種竹
是家風莫嫌斗絕無來往但得螺螄吞大象從來美
酒無深巷

寄萍鄉密老

宋趙鳴鐸
主簿

疋馬飄然似轉蓬一年兩度過湘東襟間潤帶黃梅
雨枕上涼生苦棟風急急窮途將底用區區苟祿有
何功輸他燕坐長廳老默對濃香丈室中

次韻柳樞密題向萍鄉堯爾堂

宋王庭珪
安福

器遠無近用絃歌君暫娛從來趙魏老或爲滕大夫
昔時武城宰其人骨已徂牛刀發新硎夫子輒驚呼
向侯本學道與世疑濶疎擁袖聽衙鼓堂下一事無
不無赫赫名詭衆以自殊催科雖云拙於今乃賢歟
夫子儻無言黑白混一區家有治縣譜不飲常晏如
棠陰決民訟松間讀我書飛蝗避境土野鶴馴階除
堂下盛賓客不減陳趙予新詩播京邑異世乃同途
振轡若登仙身輕衣六銖雲間候風馭君馬何時迂

題萍鄉何叔萬雲山

宋戴復古 天台

萍鄉縣志

卷十二

志文

編甲

前作

去

拄杖穿雲去一坡仍一坡地高山不峻花少竹還多
家近登臨使人賢氣味和能詩老姚合 姚仲同乃胡仲方詩友
朝夕共吟哦

次韻胡仲方因楊伯子見寄

宋姜夔 德興

此去廬陵定幾程向來印杖未經行懸知征櫂雲邊
集大有吟情雪裏生楚渡食萍應甚美舜祠吹玉直
能清 仲方得萍鄉宰伯子得營道倅 二君卽日青冥上惟我春山帶

雨耕

次韻萍鄉文叔章訪別

宋敖陶孫 長樂

力田望逢年倚市勝刺繡十年邱里語失火要目據
君行半天下何處得耆舊請從老龐說龍鳳相赴湊
全家隱鹿門遺安不求富常時拜牀下大鐘盡徐扣
男兒惟一身用在百歲後譬如營屋室宗廟先庫廡
不聞買山隱而有居巷陋君看鐘鼎家梁玉或墨瘳
寧爲賣文活一經老學究出身卽九折時命迺大繆
向來尸裹革口語困逗留居然齒編貝月粟供賃僦
何如山澗底鹿豕對飯糗文章忌隨人謹勿誇客右
書林無淺植筆未有深耨紛紛青紫楨後進渠領袖
萍鄉縣志 卷十二 志文 編甲 七
前作 七

結交兩任助設客一陰就卑官慚處贈俚語致公壽

萍鄉和王堯章韻

宋 樂雷發

征衲無人補舊綿蕭條客枕楚萍邊撥殘石炭西窻
冷卻憶山家楫柚烟

贈萍鄉道士

宋 文天祥 廬陵

道上觀行人半似重相見古人性相近性豈不如面
萬形本一性萬心方一殊世固難絕聖亦恐難絕愚

送萍鄉邱克明

明 舒 頔 嶺溪

楊柳磯燕子飛江西倦客江東歸蘆芽出水鱖魚肥

君今歸去是耶非聞君疾未相識漫贈言恐無益
新豐斗酒何日逢人生意氣無南北喜津津去宜春
鶯花滿路娛歸人君不見都門冠蓋都憂惱拄杖故
園風日好

萍鄉次趙都諫漸齋

明 呂希周

晚憩萍鄉館繁陰度短牆烏栖人亦倦山僻雨初荒
新月憐游子涼雲夢草堂好風三百里吹我上瀟湘
送客萍鄉成禮

明 湯顯祖

臨川

宜春春酒鳳簫迴暮雨朝雲玉女堆歸到筆花應五

萍鄉縣志

卷十二 志文

編甲 前作

七

色聰明泉上讀書來

詠物

題萍鄉愛直驛杉樹

宋 張孝祥

歷陽

此杉已百年森立官道側鬼神所呵護斧斤不可追
愛此遺直姿凜凜有正色未云支大厦聊以蔭行客
作詩貽令尹爲我驛壁刻但使杉長存遙知令清白

題龍鱗木

明 鄧元

豐城

山公種樹不隨世不肯種凡還種異驪龍睡處幸得
珠猛鑿蒼頭作奇事蜿蜒已非池中物如何可以塵

土瘞飛騰頗疑風雲姿夭矯不隨桃李媚造物小兒
非愛之犧尊青黃要深忌泥途拱把共參天汗血騏
駟今墮地深山大澤龍之媒草木冥頑神所寄一朝
雷電下取將風蛻霜鱗謾形似精神強項中已枯寂
冥猶能駭童穉老蚌聶喙明月飛古匣塵埃太阿去
誰能神眎不相皮徒有形存奪之氣人間識畫不識
眞葉公平生祇堪僞

詞

青玉案

萍鄉縣志

卷十二

志文

編甲

前作

九

解萍實宰作

宋黃大臨

知縣事

行人欲上來時路破曉霧輕寒去隔葉子規聲暗度
十分酒滿舞裯歌袖沾夜無尋處故人近送旌旗
暮但聽陽關第三句欲斷離腸餘幾許滿天星月看
人憔悴燭淚垂如雨

一眼兒嬌

萍鄉道中乍晴卧輿中困甚小憩柳塘

宋

范成大

吳縣

酣酣日脚紫烟浮妍暖破輕裘困人天氣醉人花氣

午夢扶頭 春慵恰似春塘水 一片縠紋愁溶溶 曳
曳東風無力欲皺還休

菩薩蠻

湘東驛

范成大

客行忽到湘東驛 明朝真是瀟湘客 晴碧萬重雲幾
時逢故人 江東如塞北 別後書難得 先自鴈來稀
那堪春半時

踏莎行

黃花渡

宋 盧炳

萍鄉縣志

卷十二

志文

編甲
前作

全

秋色人家夕陽洲 渚西風催過黃花渡 江烟引素忽
飛來水禽破暝雙雙去 奔走紅塵棲遲羈旅斷腸
猶憶江南句白雲低處鴈回峯 明朝便踏瀟湘路

卜算子

徐仙亭用東坡孤鴻詞韻

宋 卓 津 縣丞

流水一灣西晚坐孤亭 靜不見高人跨鶴歸 風竹搖
清影 往古與來今 休用重重省 十里梅花雪正晴
月掛遙山冷

志文

編乙

近作

疏

丈量地畝疏略

雍正朝謝

旻

巡撫

爲請

旨事該臣看得萍鄉縣地處山陬田土瘠薄山居十之七田居十之三此三分之內又大半高者在陂低者在坑平原沃壤十無三四明初陳友諒僞將歐祥獻冊投誠誤以民間三升之鄉斗報作十升之官斗萍鄉縣志卷十二志文編乙近作八

遂定袁郡四縣每田一畝徵米一斗六升七八合之多積困三百餘年田土拋荒該四邑之中萍爲獨苦順治十年經前撫臣蔡士英具疏請照鄰壤新喻縣止則田畝九升三合零之例概用一則科徵地塘亦然從此民困稍蘇漸次墾闢惟緣兵燹後鱗冊無存農民不知計弓定畝僅以插秧把數積算肥美者三十把爲一畝其次五十把爲一畝又其次八九十把一百把爲一畝以此積算定畝卽以墾荒起糧故田數有增而糧仍缺額今准部咨查丈自應計弓定畝

分則完糧蓋山田與平田不同上則與下則懸殊請
照奉天府丈量地畝之例以上中下三則分別起科
其中地勢平坦土色滋潤水源不絕可以隨時湍洩
者爲上則地土稍次附近陰塘及山泉雖遠猶可車
戽灌溉者爲中則若山岡山麓灌陰無資全賴雨水
救濟者卽爲下則今檄行袁州府知府薄履青同知
翟照庭協同查丈相地制宜合計上田八百六十七
頃五十八畝零仍照原編畝徵銀七分五釐九毫零
編米六合五勺一抄零中田一千三百五十一頃四
十一畝零亦照新喻縣二則糧科算畝編銀六分八
釐三絲零編米五合八勺三抄零下田一千四百九
十五頃七十二畝零照新喻三則糧科算畝編銀六
分二釐八毫零編米五合三勺九抄零又有一則地
一百八頃三十二畝零仍照全書原定畝編銀一分
九釐九毫零編米一合七勺七撮零一則山七千一
頃七畝原不派徵銀米一則塘一百二十六頃五十
畝零亦照全書畝編銀二分七釐二毫零編米二合
四勺一抄零其屯地屯塘亦照南昌衛之例逐一分

別編徵庶田分高下民不苦於輸將糧有重輕賦皆歸於畫一其於國計民生均有裨益矣

記

縣學記

康熙朝

孟宗舜

知縣

萍學凡七遷矣明季一炬地幾成榛莽耳創之者一吳繼之者一刁功雖勤如小就何宗舜來萍時詢諸王學博永新今之學蓋太守李公力也公守袁重興昌黎書院學者仰之如泰山北斗不下昌黎猶念萍學之復沿二十餘年草創之舉因循至今不有振作萍鄉縣志

卷十二 志文

編乙

近作

全

其何以濟我先聖先賢之靈得毋愀然乎爰割廉俸亟爲多士倡曰有能慕義者吾其嘉尙之縣任也引爲已任前事也視爲今事公之心非昌黎之心公之功非昌黎之功哉宗舜值朔望與諸生行禮其間稱美者久之然猶有待焉東西廡明倫堂其未竟者也諺云創始難樂成易公爲其難我輩敢不爲其易乎宗舜雖不敏請事於斯願借學博圖之作此記者亦先河後海之意爾八年記

題草堂記

康熙朝

余

震

典史

萍邑化離甚矣余以辛酉歲來此環而視之城安在
噫圯已肆安在噫墟已民盧安在噫燼已余官典史
耳亟言治署余則何敢惟躬挈兩兒芟除草穢補葺
成居以無荒茲署已耳遑務侈觀乎哉署之西有草
堂數楹焉余重覆之以茅額曰省心堂傍有隙地就
其雜石覆以土結茅於上榜曰萍香閣爰種以修竹
植以垂柳栽以疎梅藝以叢蕉草堂之勝或可指日
俟爾茅兮茅兮余將與汝周旋矣余之爲此緊乘地
之便費無幾何亦聊以娛意也後之尉者誰撫此草
萍鄉縣志

卷十二

志文

編乙

近作

命

堂幸毋忘余覆茅之力

尙侯去思亭記

康熙朝

歐陽日章

邑人

尙侯去乎哉侯何愛乎全州舍吾萍去甲曰盍卧轅

乙曰盍截鐙侯竟去蘆溪人曰侯十三年來驅車擊

楫泄蘆曰多望侯顏色久侯去誰復如侯者余曰侯

甘侯也聖岡祠在侯鄭侯也鄭公祠在侯周先生也

濂溪祠在侯去乎哉思侯盍生祠侯衆曰遺愛祠姑

有待請置碑於小亭以誌去思子盍先記之余爲作

蘆水之歌歌四章章八句

蘆之水水淵淵我侯來

思授我廩墾我田給我種錢侯之名蘆水妍 蘆之水
水水湯湯我侯來思建我倉貸我糧撫我流亡侯之
功蘆水長 蘆之水水晶晶我侯來思滅我征寬我
刑化我訟爭侯之心蘆水清 蘆之水水迢迢我侯
去思戒我撓導我招乘我車翹侯之思蘆水遙三十
四年記

社倉記

康熙朝 賀邦禎 知縣

常平倉之例官不得擅與民不得妄干其或開倉出
糶必請之憲司稽之時日且食利未幾買補之期旋
萍鄉縣志 卷十二 志文 編乙 近作 五

促其後一奉行不善胥吏漁之奸孽叢生已若社倉
則異是設之在社主之自民經理出入其爲息較輕
其爲用尤較便余邇年來割俸置穀三百石分給三
鄉各百數曰名惠曰欽風曰遵化施古法於鄉聊小
試之遵化鄉有彭生者實心從事比歲稱便子之收
已倍於母余甚嘉焉他如觀化新康廷宣大安長豐
歸聖安樂諸鄉將俟來年願再圖之或曰鄉戶上者
數千下者不下數百穀百石耳曷有濟余曰是倡也
人之好善孰不如我居是鄉者薦紳也可生儒也可

義民也亦可登是穀者十百石也可一石也可桶斛
斗升也亦可豈惟余之力哉余爲諸鄉人約大要有
三一建是倉之地鄉必數所擇中道立之俾里民各
赴近境以時公修毋至朽蠹一司是倉之人聽各鄉
公舉必得其精明公正者正副二人互掌其簿否則
恐不忠乃事一行是倉之法大略石取息十之二大
豐如額中收減半大歉盡除之此三約者可以一鄉
可以十鄉可以一時可以百年語云有基勿壞是所
賴後之君子報循良而膺上考者

萍鄉縣志

卷十二

志文

編乙

近作

六

研幾堂記

乾隆朝

鄧錫祿

邑人

實天下士於學釋奠而外無師法文課而下無教術
夫學學爲聖人者也聖人之教垂於後世德教尙矣
言教次之文教爲後身教爲先吾師魯齋林先生以
德教以身教者也器宇深醇動履古人風恂恂孝友
人爲一家儀型授鐸諭吾萍斯文中具一種眞愛上
器識而下文藝誨人之法悉準諸先儒矩矱生平樂
道人善貴賤大小體以誠雖忤已無怒色恚辭元氣
之會渾然天成要其性方道直履行介潔眞所謂人

倫模楷者官萍十八載學者化之下及於民雖曰夫
野老婦人孺子無不知愛林師重林師事與洛間司
馬君實等歲已酉師視學將頽偕余兄祺告之熊侯
並請序太守薄公議倡改建士謀爲允師先衆輸帥
出力身紀其間以佐熊侯之功師有廨數椽勢亦就
圯爰拓址新之經費逾百構廳事者二不鳩一民不
錢一士廨旣成以研幾名其堂易云極深研幾又云
幾者動之微吉之先見師深於易學意固有取爾也
今試其堂仁基義礎禮垣知牖恍存邵子一窩道
萍鄉稱志卷十二 志文 編乙 近作 七

氣如坐程門三月春風匪直講握從容勅諸生作仕
宦徑已爾念萍之人士自宋已昭登科錄與載者
多邑志半軼其名淑器一書生獨擅萍鄉之號豈
非以道勝不以文勝哉語云師道立則善人多今幸
矣德教如師言教云乎哉身教如師文教云乎哉師
蓋能明聖人之教進諸生以學者研幾堂具在於此
承師法可也於此求教術可也

香溪橋記

乾隆朝賀 禧訓導

邑北上栗市黎君宏烈來謁於署余見其古貌古心

意甚欽之願少欵洽共嘗苜蓿味黎君曰請以來年
計自春徂冬居停書院侍教有日矣詢其故具言修
城西香溪橋事香溪橋古義安渡也簡御史解組後
自號鄉溪老人卽此地謠云金鼇洲撐香溪橋玉帶
不離朝此形家言也儒者不之信黎君曰語云地靈
人傑或亦有之此一邑形勝會也余不敢不急爰鳩
工鑿石經始於庚寅卯月落成於丑月吉日石工謀
貞珉將待記黎君曰橋之建邑之望也吾髮未燥時
得諸父老傳聞此心曷嘗一日忘今年且老幸力足
泮鄉縣志

卷十二

志文

編乙

近作

八

相副吾志慰矣何記爲邑人士聞而益重之語余曰
敝邑山川香溪橋其關鎖也黎君以一人任之將必
有地以人傳人由地著者徵黎君之功不及此是不
可不記記之莫如師若余目擊其事旣嘉黎君能有
功不伐又喜諸君子不沒人之功必思有以永之也
於是乎書

新修學署記

乾隆朝

張司直

教諭

漢晉以下學建於京師郡縣則無定置唐宋以來學
行於郡縣教官則無常銓今邑必有學學必有官祿

雖薄道則尊也席雖冷職則專也余學鄙儼然爲人師諸生執經日衆余甚惡焉記有之凡學官先事士先志假有一畝之宮環堵之室居其中者多文以爲富奚害焉余性甘澹薄志不多求一官甫授苜蓿盤中足矣詎容作居安計耶雖然居之有署教所由施也施教之地是惡可不重乎哉先是教諭署拓於林魯齋建爲廳事者二上元張侯復建前亭二楹辛卯水大溢署半圯前諭張圖南砌土壁爲之略分堂堂勢與前廳隔局促甚幾成獨坐軒今且椽朽垣頽矣

萍鄉縣志

卷十二

志文

編乙

近作

允

每風雨作岌岌不敢寧余甲午歲割俸三十數並謀諸邑人士伙金重修之首於明倫堂豎其兩旁爲欄柱欹則取材輔之近西一舍鑿牆壁爲門路與署通次廳事去其門壁接花亭爲課文堂次西廊書室次內宅爲垣墉爲暨茨爲樸斲爲丹雘以序而成體制粗具氣象方新其或足爲施教地乎亭前有隙基環以石雜植竹樹花果撫几對之覺四序青蔥生機勃發亦寒齋之雅况也憶魯齋治署時今且垂三十餘年始得有余余治署後繼之者何人後之視今亦猶

今之視昔慎母傳舍視之也可

新增義田記

乾隆朝 馬友蘭 知縣

凡州縣之治莫先於振士風士風之振莫先於興文教文教之興莫先於設義學義學之設莫先於置義田萍向有占鰲閣隸在城西陸公創之也近百餘年來一修於賀公閣如初再修於沈公增書舍數楹顏曰金鰲書院張公繼之計義田所入無幾慳於費實無一人肄業者余癸巳之夏承乏茲土迺延師課徒區區之意將爲人材地也顧館雖啓恐費不繼如中

萍鄉縣志

卷十二

志文

編乙

近作

卒

輟何厘念者久之時別駕歐陽公名鑰者假歸里中慨飲田二十畝爲饑諸生計公素稱好士聞通守保陽攝晉磁肥鄉等州縣所在多善政率以教學爲先今且念其鄉塾勉諸子弟俾肄業其間迺有事乎義田是亦有心於人材者也斯其所以爲賢與嗟乎世固不乏素封家田連阡陌衣馬輕肥凡邑有公事吝而不輕予有釋道者流假事相告往往不恤重費稽首繙羽前若此之類荒誕不自悟者何可勝嘆卒之咄咄書空爲世人笑以視公此舉相去奚啻萬萬哉

語云修德不望報崇實不近名余必爲之記者誠以
遠大夫之行耻獨爲君子竊願人之共爲君子也

四奇亭記

乾隆朝 歐陽鶴鳴 彭澤

山水之緣奇矣哉奇則莫奇於四奇亭矣四奇亭者
燕亭明府作之也四奇亭何以作作於四奇何謂一
奇歲癸卯午日方中橫龍寺山人採藥左麓忽有聲
大震如巨蛇騰地上怖而走須臾伺之則一竇新開
泉蒸蒸出也越日明府邀客至見其色清冽呼童子
提淨瓶汲之烹以雙井茶清芬之氣大與常泉別泉
萍鄉縣志 卷十二 志文 編乙 九一 近作
發奇泉發於午日奇是謂一奇詩曰松如華蓋竹如
椽也算寰間小洞天昨日山人通一信縣民爭自說
新泉何謂二奇惠民之名衆口交奉之傳爲美談泉
注經數月流忽涸衆心訝之是時明府以公事出矣
十月旬有三日往驗之明日泉注如初泉發奇泉涸
而復發奇是謂二奇詩曰爲誰乍歇爲誰開任是旁
人總見猜不道山靈多巧思慙懃待與宰官來何謂
三奇泉復發明府將謀作亭倚山四圍相度其中一
似天造地設者初繪六角亭圖泊啓土數尺現一故

亭果六角占其石礎三面則陸公世勳濯纓亭也得
亭奇得六角亭奇是謂三奇詩曰高亭屹屹起山腰
六角圖傳一樣描却有四奇名更別就中添得枕流
橋何謂四奇陸公濯纓亭久不可識考亭之作屬萬
歷丙申蓋修志之年也今年癸卯明府繼尙公後志
方重修乃作斯亭陸公萍循吏也百九十年來後先
之間何其不謀而合耶同作亭於百九十年奇同作
亭於修志之年奇是謂四奇詩曰距來甲子已三週
縣志於今兩度修中缺尙侯亭六角陸侯亭後見胥
萍鄉縣志

卷十二

志文

編乙
近作

九二

侯余謂斯亭也一奇奇以時二奇奇以人三奇奇以
地四奇奇以事余家文忠公刺滁州豐樂亭耶醉翁
亭耶豐山清泉琅琊醜泉其勝境亦若是已亭何由
四奇問之亭亭不言問作斯亭者

第一香軒記

歐陽寯鳴

癸卯夏午惠民泉出旬八日余暇居書院竹榻生涼
荷風送韻燕亭明府遣介來云建蘭盛開今大主人待
於西軒邀客進玩之庭階列盆十左六盆右若六十
及被各放十花總六百算單六數也古園盆各著四

十枝枝亦各放十花總四百算配四數也舉紫者白者綠者黃者深者淺者純者間者拂指者撲鼻者襲衣者染佩者層層焉盈盈焉蒸蒸焉繞繞焉如雲騰如霞起如鸞飛如鳳舞客且賞且嘆曰花宜有約何期之勃也美哉觀乎猶未也花都矣引花中花香覃矣吐香中香別有心交銜萼九布結並蒂者三爲兄弟行爲姊妹肩爲夫婦偶爲朋友袂客且齊聲羨曰瑞哉瑞哉是下澣壬子日也不再旬而得佳兆者二越今年花發客趨益衆主人意益懽花光益暢手撫

萍鄉縣志

卷十二

志文

編乙
近作

九

之一番見眞一番新耳蒂之並媿於初度奇已又加以單蒂雙花奩然冠其上奇之奇已旣得庇之以翠樹佐之以文石映之以珠簾領之以奚童渥之以芳茗扇之以玉塵兼護之以屏被之以綾酌之以酒贈之以嘉名敬之以雅式羣復繫之以贊紀之以詩余曰鄙人兩逢高會興到時當更爲阿蘭作記萍鄉署稱三瑞宋傳芝明傳蓮今乃遇蘭君子矣宰之清也比德於水泉之出應在外也室之善也協義於蘭花之盛應在內也請爲之歌瑞蘭歌曰第一香勝椒菊

摘花經標品目蒂對開萼同簇和氣宣花知卜命丹
青繪一幅合穎禾連理木古人言順致福

射圃記

乾隆朝劉章把總

余職在防城隸兵五十有七遠則巡汎近則守營歲
有季操齊趨教場坪演武於西門外常操之地宜相
營左右專設一區以司校課功日勤技日熟兵屆操
期執器具詣營分立以俟或兵無定操徙倚其處習
者玩觀者淆然則射圃之設維其亟哉歲戊戌余修
署將成廼度舊址得西偏隙基經百數武曰此足以
澤鄉縣志卷十二志文編乙近作齋
治射圃已上構一小廳作觀射所地靜而志壹凡習
射必細枝之從容几前欵欵談射法輒相勗以公事
營雖小曷敢懈乎圃有橘樹一株當室西小窻濃翠
欲滴倚墻陰置盆花十數本芳氣襲人有客過訪時
斗室涼榻薰爐茗椀大可高談亦公餘勝概也先賢
有云百工居肆以成其事余之觀射猶彙人之課工
也射圃之設其亦倣諸省試意乎

遊武功山記

乾隆朝王瑛邑人

歲壬辰余假館大安鄉一館亭立遙對繫馬峯天際

一笏斜插烟雲似有意揖向者然中逵當其前過客
往來不絕蓋武功山要道也季秋中浣天宇高澄風
涼氣爽輒起登臨興爰偕諸子行五里許進武功山
口人烟漸稀越三里過石鼓庵地有石若鼓擊之聲
鏗鏗然復行倚小徑遠近之間村廬野店斷續於水
聲山色中半里至淨心橋俯瞰流水淙淙然澄清可
愛橋邊有潭潭有石石有馬跡二狀如甕口亦奇踪
也及過橋則石磴鱗鱗已在武功山麓矣余仰視其
處層級上聳曰此所謂天梯石棧相鉤連耶且行且
泮鄉縣志

卷十二

志文

編乙
近作

壹

憩抵半山山有亭亭皆石柱平衍處可坐數十人出
亭攀援而上惟聞深谷幽壑中風響如雷令人心訝
幾不敢復作窮遊想轉過山腰急詢諸子曰得毋天
半來乎諸子曰此中深處仙跡可尋棋盤石煉丹池
是也上有龍潭龍常出沒里人多見之再行里許忽
開一境林木陰森鳥語花香鳴蟬飛集幽賞未息路
轉峯迴始望而知爲觀江庵者日將西抵庵庵地空
曠山水之勝盡可攬擷歷階而進葛仙壇在焉是壇
也祀孝先與祀稚川與抑合祀與僧方丈甚精雅進

飯皆山殺味美於回飯過步出庵門時則星斗列窟
月殿晶瑩恍扶階可直接玩視良久旋與諸子分韻
詩成乃就寢明日諸子以登頂請頂距庵十里路險
峻諸子翼之行左右遙瞻但見鳥飛谷閒猿啼葉落
清風襲襲日影遲遲別具一番光景不移時寒氣侵
人白雲盡起遍布山下如滿地積雪平鋪似掌一望
不覺神醉蹲石而坐襟袖飄飄仙乎人乎勢將輕身
霞舉矣日午躡級復上經兩洞口一曰風一曰火名
火洞者暖氣蒸蒸名風洞者冷風細細造物生成之
萃鄉縣志

卷十二

志文

編乙
近作

矣

妙真未可詰問者越半里有掛榜石石如屏壁立廣
徑約二丈許更數武山旁有石極平整俗名打子石
求嗣者拾小石投之中則爲佳兆過山灣地愈險峻
石骨稜巉枯木蒼老稍平則爲寒凜巖每遇陰冥過
此者輒股栗逾此爲雷打石險峻愈甚更里許至頂
地漸寬上有古刹四面磊石墻覆以鐵瓦中爲葛仙
座右數十武凡數石室中藏石像者五右爲龍王壇
砌石如古刹式壇有龍池清泉湧出味甚甘有求之
者常仰手其中頃刻瓦石花果各隨水出此亦靈幻

事也余延眺其上四周諸峯皆俯伏纍纍若兒孫旁
臨右側遙指袁吉市鎮星羅碁布參差在青烟紫嵐
間乃嘆曰武功山其真大觀乎已而棲息古刹欵談
已深諸子復請觀日余披衣而坐俟夜將艾乃出利
候望其處忽有物躍出紅焰一片如金在冶少焉騰
湧而升似明珠一顆赤光奪目其異境尤如此余曰
觀至此止矣早食罷遂與山僧別復還故道追尋勝
景什可得七他如觀音巖羅霄洞三天門地雖接壤
要亦得之耳聞也歸館後歷數遊况稱道未已諸子
萍鄉縣志

卷十二

志文

編乙

近作

七

請於余曰武功山盤根八百里巍巍巨鎮隱隱仙踪
不可謂不勝矣異卉奇禽幽香古木不可謂不美矣
足下白雲望中海日不可謂不奇矣從遊童冠山僧
迎送不可謂不樂矣是不可不記余曰然

學宮記

乾隆朝

胥繩武

知縣

江西隸諸郡縣惟萍鄉之稱兆自

孔子萍實一言通微達遠應在千里外孫吳縣名權
與於春秋之代雖百禩莫易也神矣哉傳者曰宋熙
寧時芙蓉春開一本三花乾道時金燈見明隆慶時

榴花盛開皆連理萍學之示祥昭昭已或曰明嘉靖後郡縣學皆祀木主萍學

聖像獨存未詳其故疑卽以家語爲據與萍之學二仲上丁凡贊祭肅具衣冠執事有恪鄉塾必設位朔望師生習禮如有司謁廟然值誕辰約同志聯爲文會以誌教思

聖實默造於萍萍尊之慕之視倍切於他郡縣余旣宰萍乃考學宮源流借學博諏諸邑士曰唐武德以來迄於今學經八遷而定今又四十八年矣余非故

萍鄉縣志

卷十二

志文

編乙

近作

六

事事惟邑所以酬德澤彰靈爽者端在此舉余何敢不任諸君子幸其伙余僉曰然舉其公且勤者十有八人旣承事廟廡祠堂業有定式余復預爲之籌學前爲迎鳳嶺於位面陽向必端一宜也當城爲禹門倚在屏外縮其地於中乃克協二宜也後爲五鳳山鑿陰道引水入泮池養之芹藻三宜也諸君子黽力治公事如家事惟余與學博以時身紀其間三載學宮成乃爲記以語諸生曰余於袁學得李盱江記李記教忠教孝陳義甚高熙豐時館閣第天下學記以

袁爲冠鄒南準作獨謂其有激云然非貞軌彰教者
所忍言洵名論哉余於萍學得劉清江記劉記大指
皆語天地之常經忠厚和平藹然見建學本意眞儒
者氣象已朱子來萍觀學嘗嘆曰美哉乎子澄之言
子澄稱宋四篇文字太極圖西銘易傳序春秋傳序
余於萍學記亦云謹校刊之樹於堂爲諸生鵠警諸
文家劉記爲傳稿余記其小評也今余何以語諸生
大學經一章傳十章中庸三十三章千古學術在此
千古治術卽在此劉記已櫟栝言之諸生沐浴

萍鄉縣志

卷十二

志文

編乙

近作

堯

盛朝道德文章必將有內不負己外不負世者是萍
學之慶也余邑吏大有榮焉維時偕事者教諭前則
張司直後則邱詳訓導則徐乘時也董其功者東境
則職員林立基李景厚譚世璋監生劉世槐南境則
生員王萬全劉殿元監生王文標陳宏照西境則選
員鄧觀湘增生吳象鯤生員文有涵彭世冕北境則
例貢黃鐸監生彭熙周德魁職員易世琮在城則增
生羅炳蔚副貢文膺元也四十九年春正月記

書院屬江西義取諸物最稱名者三一鹿洞一鷺湖
一鷺洲洞曰鹿以李渤養鹿名湖曰鷺以龔氏畜鷺
名洲曰鷺則摘太白二水中分句非實言鷺也萍有
金魚洲其狀如魚溯水繼名金鰲魚小而鰲大也鰲
象形金則並象色矣小書院耳曾以二言受名余於
落成時額曰鰲洲一如白鷺之稱或偶或奇必實以
洲云書院建高閣懸當城西一面閣以外杳障環青
修林染黛朝旭夕陰悠然天際俯視其下但見平橋
淺岸沙磧水陂小艇一篙波光人影亦檻前韻致也

萍鄉縣志

卷十二

志文

編

近作

一百

初名占鰲今日冠山左太沖賦句也匾曰學釣鰲手
聯曰以詩書作線將筆墨爲鈞祀文昌於上姑從舊
其可乎閣以下爲堂堂遠對晴峯蘊藉可人前有深
院春風小柳秋日初芙蓉綠意紅情一葉一文心一花
一詩味曰觀水本孟子也地濱水且思鰲諸生導性
靈也聯曰於此中尋活潑就如許問源頭其書之中
屏則院長萍鄉賦也堂之後有庭庭前翠柏當階綠
蕉侵牖境靜人閒中設爲祠祀周程朱張胡六先生
曰宋六賢祠聯曰五姓六賢師友也兄弟也千年一

豚俎豆之馨香之堂東西偏爲小院倚階爲兩廊竹榻臨風疎簾待月烟爐茶盞筆匣書燈諸生得無適意乎撫在今茲溯諸向者閣建於陸踵於賀書院興於沈繼於張延師課士昉於馬惟僧久居後院耳余謂講學吾儒事無滋浮屠實徧處此以與我分居此宇向之禪室今則書室向之僧厨今則書厨向之鐘聲磬聲今則讀書聲余專揭兩語切誨諸生則曰科名不負人人毋負科名四十九年夏四月記

宋六賢祠記

胥繩武

萍鄉縣志

卷十二

志文

編乙

近作

百

萍城西書院初祀五賢於講堂獨不及周子歲壬寅冬十月朔余始遷祀後庭增之爲六位額曰宋六賢祠

周元公道州人也言道學者必首尊周子慶歷時由分寧主簿監蘆溪市稅士多親炙其門恥爲章句學其所造就者深爾或曰康定時相距蓋一年耳余謁濂溪祠光風霽月之度猶髣髴見之已今躋祀之禮也位第一

程純公正公洛陽人也兄弟皆師事濂溪盡得其傳

大程如春和二程如秋霜祀焉而闕其師神妥之乎
或曰受學之年在周子司理南安時余謂祀二程者
且徧士林矣奚必在萍哉今並祀之位第二第三
朱文公婺源人也道學之傳發源者周子集成者朱
子紹興時赴官潭州謁萍學讀劉子澄記亟嘆之以
示諸生宿毛仙驛嘗作詩証之黃花渡和宋伯亨韻
或曰伯亨不知何許人余謂萍蓋朱子經歷地也今
特祀之位第四

張宣公綿竹人也學出楊龜山得程子正宗亦傳於
萍鄉縣志

卷十二

志文

編乙
近作

頁

濂溪者孝宗時知袁州事愛士施教尊崇正祀萍其
屬邑也或曰守袁者第定叟也見諸宋史敬夫其寓
賢耳觀州學記可見余謂此朱子畏友也今旁祀之
位第五

胡白齋先生邑人也師事朱子如二程之於濂溪經
史疑義彼其所著述不少概見何哉齋戒二語真粹
然儒者之言已或曰胡之後嗣鮮有聞余甚惜焉今
合祀之周程朱稱先賢稱子張稱先儒胡稱鄉賢位

第六

記曰濂溪之學一傳而得明道伊川明道之學四傳而得紫陽其見契於紫陽者南軒也受業於紫陽者東軒也譬之宗派周其祖二程其禰朱其冢孫張其支屬胡其遺派也獨念胡先生一草布耳今乃獲與諸儒伍享祀一堂豈非有爲者亦若是哉語有之前賢者後賢之師邑有踵起者余將旦暮遇之

龍神廟記

胥繩武

大哉龍德剛健中正象應乎乾神道變化出入陰陽雲物山川曰雷曰電曰風曰雨龍神是專嘉錫王號

萍鄉縣志

卷十二

志文

編乙

近作

三

尊崇祀典禮亦宜然城西三里隴上空祠一堵一椽地小而僻神或捨之曷云安便客夏之日步行祈雨撫茲嘆焉爰赴武廟卜基隅旁式度式遷愛彼環池縱橫十丈水沃魚鮮南北倚岸青橙碧桃佳樹翩翩神將宅止池之左右可以宛延亟謀仲秋用割廉俸修構惟虔高奐者墻深邃者室孔博且堅今春二月供器聿備進告神前稽昔周禮禘辜四方旣載簡編唐享龍池樂章畢具並播宮縣逮諸宋代五龍九龍祭義久沿相厥湫澤要冊朝那詔封靈泉於乎赫哉

總長養主參造化權肅肅在上威儀儼著金燦珠圓
幽兮邈兮髣髴四壁一片雲烟神之潛也潛已忽見
見則在田神之躍也躍已忽飛飛則在天邑吏牧願
農事初興爲求豐年里夫村童神實許汝遂作汝緣
乃授雷神敷施號令震聲以傳乃偕電神昭示光曜
列缺以宣乃喻風神啓甲發秀披拂無邊乃命雨神
滋莖茂葉潤濟無偏瞻望平疇與與翼翼東陌西阡
登之陳之克奉耆壽克迓祖先歌神之功積倉普慶
俾億萬千非直此爾麻蔚於林果大於拳鄉人來思
萍鄉縣志

卷十二

志文

編乙

近作

高

順成新報擊轂摩肩伊何謝之薦以香醴羞以華筵
優歟渥歟我衣我食我生我全神如有言勉勤種藝
霧布星連歲其休徵雨其時若毋忒毋愆自今以始
詩書仁讓風俗彌賢神之聽我永貽多福敬表斯鐫
四十七年秋七月記

楚昭王廟記

胥繩武

楚山拔起白雲中作之廟曰敬祀昭王一夕風雨徙
山下鄉人日絡繹來禱輒應王之靈亦燦矣哉余嘗
考昭王事疑之者三解之者三王走郢奔隨史記無

至萍事一疑萍不近江萍實何由獲二疑山巔無水
兵何由屯三疑萍實事見家語史記可信家語獨不
可信乎一解因渡江獲萍實非必在大江也二解屯
兵楚山非必在巔也後人乃廟祀於巔耳三解然則
廟作於何代徙於何時曰據宋人記言之前已有然
也王非有德於萍廟奚爲作王非有愛於山下廟奚
爲徙其廢也奈何曰廢之年不可知已今試睇楚山
樹放孤烟石堆宿蘚烏棲獸挺寂無人踪過山下殘
墻敗礎半在一犁春雨中吁嗟乎神其餒爾春祈耶
萍鄉縣志

卷十二

志文

編乙

近作

夏

秋報耶空操一脉蹄一孟酒神弗享已縣北歐陽氏
居楚山下有生員典者籌於族人曰王楚之賢主而
萍之令神也願爲王供血食族人曰僉有同心請以
余余曰是廟也縣名之自始義不可廢族多賢王其
福汝且必有造於茲邑廟旣成余曰妥之矣乃祝曰
向也一廟瓦礫塵沙今也一廟棟飾懷華王之居處
錦帳丹紗王之出入風馬雲車綬我萍邑佑我室家
式憑在上王之靈耶爲之謀廟祀曰自塹以下悉廟
基所有田四墜收其租以資品物餘其伙之便山巔

故有臺廟徙臺久就湮今亦壘土爲之王其游息於此乎余又聞韓許潭有將軍廟許蓋王之功臣也曾沒是間縣人盍再舉之願有待四十九年冬十月記

萍實橋石勾欄記

胥繩武

古稱趙州橋石勾欄名特著余嘗過趙州矣書所傳張仙乘驢痕魯般手托迹行人尙爲余指之然余所見石勾欄多嚴飾出趙州右謂今古無第二橋豈傳之者夸與夫橋則宜莫美於南矣余來江右數載車馬所歷亦不爲不多橋梁之設皆不見其異諺云南

萍鄉縣志

卷十二

志文

編乙

近作 頁

橋北廟余北人也南之橋視北之廟其果孰愈耶萍南城外有萍實橋以縣名命義者也余謂萍實之獲在香水渡橋不在北境乃在南城耶抑傳之已久不足深辨耶橋向有邀棚施以木久且壞生員李振桂邑人陳峻添謀於衆伐石左右作勾欄八十九柱請記余曰是芟芟者而文之卑耶雖然此役也亦不爲無濟橋當城門往來行客肩交摩趾交接橋平且滑臨邊際擠度之殆已夜深橋寂過其上者匆卒不自持誤瀕於水蓋屢屢有之勾欄之作豈其歎也哉然

石之伐不在多亦不在美也或曰橋之建助自吳
二鼎二年或又曰縣初在古岡有故城遺蹟是二說
也余未信之四十九年冬十月記

亨泰橋記

胥繩武

一溪一澗懸略約橫斜施左右值幾何鄉里稱善
設當小渡口卵石一篙伐石作梁長二三丈許輒
於道曰某年月日某姓某名建道路傳之輒曰某
士某義士信斯言也然則東門橋如之何橋於邑
則塹也於城東則筏也於吳楚則孔道也楊岐水迤

北流江橋

匯於東

石柱

平砌其上

有堅者

有脆者勢近隘往來碍肩行埃以讓石距水數尺春夏漲

生舟溢不獲進自崖反矣彈指乙酉歲有宋茂聖者
曾獨舉之約費六百緡橋乃成抵今二十星霜耳客
冬亥建雨彌旬余方有事於禋祭書吏文欽榮倏報
曰東門橋圯矣余曰幾何曰中斷十數步耳姑截木
以代余曰是權之也磋以石擠之不相屬水勝木旋
蕩矣矧趾乎既目其狀兩岸幸無恙橋舊貫不宜仍
宜作今年春文欽榮請曰橋之建邑士將共任之願

襄其事越日諸邑士來爲余言余曰費鉅甚諸君子曰將遍謀諸邑之尙義者已而工果作啓石甕飾勾欄夾鴈齒如城南萍實橋式且更過之視曩者之制高如干表如干修如干克有協余嘉諸君之能且喜邑之多賢以衆擊者也昔人牡丹譜閏三月稱花亨泰工之竣在冬其謀始則閏辰也管埠名甚鄙今顏之曰亨泰易云亨者嘉之會又云履而泰然後安是一邑之應也利及行人淺矣哉是時偕事者則有若監生胡慶簡宋大標生員姚政元職員彭如珏邑人萍鄉縣志

卷十二

志文

編乙

近作

頁

劉世禧唐定添四十九年冬十月記

序下

孝經集註自序

康熙朝

周寅亮

邑人

孝何爲稱經也曰孝也者五常之首百行之原也蓋孝之爲道諸經皆有言之者孝思維則孝子不匱詩言之克諧以孝奉先思孝書言之易首發四德曰元元卽仁仁卽孝萃卦孝享之詞其明文耳許世子不嘗藥春秋斥之如此類者懲不孝也周官師氏大司樂施孝德孝行之教儀禮饋食士虞禮明孝子孝孫

之行其在禮記若曲禮內則祭義祭統等篇大戴禮
則有本孝立孝大孝等篇諸經之論孝可謂詳且悉
矣卽謂諸經皆言孝之經奚不可雖然孝必有專經
也孝之有專經自孔子曾子之問答始孔子以是爲
教曾子以是爲學孝始有經有經因有傳自孝經發
於聖門而天下後世皆當曉然於孝之大義矣明乎
不敢毀傷之義則知孝不在割股也明乎哀以送之
之義則知孝不在廬墓也明乎父有爭子之義則知
世以從親爲孝或陷親於不義者非孝矣明乎卜宅
葬鄉縣志

卷十二

志文

編乙

近作

覓

安厝之義則知俗之火葬水葬者非孝矣明乎宗廟
鬼享春秋祭祀之義則知信用浮屠超薦之說者非
孝矣然則人子欲孝其親非折衷於聖經賢傳將恐
慕孝之名卒流爲不孝之歸此孝經一書久爲教學
之先務也愚自幼受讀是經私幸具慶日思竭子職
惟口誦身忘是懼爰就先儒朱子刊定孝經章句集
爲註義非敢漫以自矜區區之志旣藉爲省身之法
梓而出焉將取昔聖之遺經先儒之刊定與天下爲
人子者共勉之愚竊自維孝經之精義微言雖未能

盡闡然於古聖賢教學之旨有粗得焉者託端於是
因略可以求詳因淺可以入深推此意以讀諸經卽
謂詩書易象春秋三禮皆孝經註疏也可五十年夏
月序

周易會歸序

乾隆朝 林枝春學政

易也者性命之源而天地鬼神之奧也其萬理之會
歸乎溯自孔子而後商瞿子木受之遞傳於漢爲田
何爲焦贛爲費直其說屢變施孟梁京鄭王輩旁見
側出戶裂門張紛紜而無所歸至宋伊川易傳略卜
萍鄉縣志卷十二 志文 編入 近作 卓
筮象數一以義理爲宗朱子復作本義本卜筮以發
義理易學之指歸於是乎定我

聖祖仁皇帝纂周易折衷徵引儒先剖析疑似承前
啓後易學炳如日星領其大要以朱子本義爲歸又
嘗覽郭青螺易解自謂於本義取十之七凡其所立
說推本朱子往往有翊贊功昭萍鄧氏精易學嗣禹
司訓文江編輯諸解以授學徒子霽世其父業與長
兄雲參互考訂勒成一書最得力於郭氏易解舉天
地古今人物事理之原皆恍然有悟遂備錄其所論

著於篇又自彙纂兩卦合旨六爻總旨圈外句旨取象引證佐以史義發明無遺易之爲書也兼括三才廣大悉備斯其得所會歸乎余嘗謂易學之難言也善讀易者以一卦通之六十四以一爻通之三百八十四以一卦一爻之詞通之一卦一爻之人以數千載下萬有不齊之人之事通之前聖人確有可據之詞皆合如符契則經也而史寓其中矣易曰神而明之存乎其人此之謂也會歸一書蓋有見於此其庶幾融本義闡精蘊卓然成一家言者

萍鄉縣志

卷十二

志文

編乙

近作

百五

國朝名儒輩出談易者不下百家曩見太傅朱文端公易書蚤知有鄧氏學今獲是編頓使余進一解因深嘉會歸之義足仰佐

聖代崇經雅化於以嘉會來學傳世行遠奚疑焉禮有之其先祖有美而弗傳是弗仁也雲江教諭鄧子培蔣思傳其先人之美重爲請序仁孝之心亦約略可觀已十五年夏四月序

楊東堂文序

乾隆朝

鄧錫禮

邑人

余自束髮時受業於省源先生借東堂學其後日益

親余唯以兄事之歲癸酉余官銓部東堂落第嘗顧
余言曰吾年未老鬚髮盡白其能久於人世乎我死
文散佚子必彙之爲我序知我者莫子若也窺其意
若甚慘者然明年東堂歸余亦改官中州約公車北
上必道豫跂之已而久不至訝之及再訊之而東堂
已不幸死矣嗚呼東堂死序其文者非余而誰余何
敢諛東堂哉東堂力刻苦讀諸經傳必尋繹數百過
嘗云書不熟讀義理必不出文何從印合古人生平
所爲文凡經三變始而清逸繼而幽雋已而博奧余
萍鄉縣志

卷十二

志文

編乙

近作

重

於東堂文多所指摘東堂不以爲過一稿輒二三易
余論文不必皆善東堂獨暱余虛心受之東堂在而
余志合東堂死而余學孤如余兩人者稱生死交已
東堂性磊落嗜好與俗大殊覽其文想其人重其人
益愛其文歐陽公序梅聖俞詩悲慨蒼涼情至故爾
余於東堂文亦然彙之者無幾可惜也嗚呼如東堂
者其何以死哉

鄧悔庵稿序

乾隆朝

熊爲霖 新建

昭萍鄧悔庵中辛酉拔萃科壬戌策蹇來都余與同

年周曰亭偕寓古藤書屋悔庵日過余三人者並後
先爲仁和趙學齋師門下士也讀其自訂文稿蒼鬱
淵奧灑如山海竊心服之既

廷試南歸甲子得雋乙丑成進士官銓部郎學日遽
文逾邁上是秋余乞省歸尋三爲棘人在籍者十有
二年每想悔庵文境渺不得窺其所至矣戊寅再入
都悔庵歷中州醴使遷成都司臬未幾以中州事望
吏議下請室人方震聳懼不測悔庵處之如安常無
驚惶狀殆困而不失其所亨者耶時宮詹陳紫瀾前
萍鄉縣志卷十一 志文 編乙 近作 三

輩主講大梁論文必法先正悔庵日擬課藝數首與
之就正或往還四三易其稿不輟要必當於經傳乃
已其文境所造有意搜之無意得之清微要眇之音
有適合也已吾聞太音之希猶元酒之澹也世之知
者鮮矣愛者益鮮顧悔庵能爲之紫瀾先生能知之
且愛之此其相賞於清微要眇者乃在有意無意不
於跡於心於神神夫識哉神夫技矣余益信悔庵之
襟懷冲澹超然自遠初不問之門以外人也會

聖天子憐而宥之旣得釋檢其存稿付梓人越歲丙

申令嗣正旭來鹿洞從子游出以相示了讀之頗知之且篤愛之不知視世之讀悔庵文者六知與愛相去爲何如予亦不復深問爰序而歸之寃是曩年在都古藤書屋杯酒論文時濡筆之頃悱惻纏綿或可告知已於地下云爾

引下

重建宗濂橋引

雍正朝 熊我蘇 知縣

鄉里一小橋耳且無名議建議修况理學津梁哉宗濂橋何爲而作也後人爲宋周子作也周子嘗爲蘆萍鄉縣志

卷十二

志文

編乙

近作

五十四

溪稅吏矣風之光月之霽當時則親炙去後則追思追思不已作爲斯橋亦見橋如見周子意宗濂之所爲名也余稽其修建之由明洪武初則有若李公順英萬歷六年則有若常公自新二十二年則有若陸公世勳後百數十年來石幾伐柱幾更旋作旋圯莫從悉載大約不舉自官則舉自民耳蘆水東注橋實當其衝湧以淫潦則決矣今若此市中人市中人得毋病涉乎過客者誰驅車問津且不虞君之於吾地也何故許雲軒諸子邑之彥也慨然曰是橋之役毋

敢煩我父母願丐一章爲好義者勸吾曹當分領其事余曰善哉余泄政數年力不能謀而諸子謀之諸子謀之且獲有力者共謀之橋乎吾竚見其監也余將設酒一尊酌於宗濂橋上遙奠周子而告之曰橋成矣微諸子之力不及此

新建書院引

乾隆朝 沈廷標 知縣

城之西有洲焉白沙芳草斜亘湍波中曠如也窈如也左閣焉曰占鼈祀文昌於上蓋下邳陸令建也余方憇其下有僧來謁余驚之曰僧胡爲來者吏曰閣萍鄉縣志 卷十二 志文

編乙 近作 五

之後僧寺也詢其招之者則賀令也竊喟然曰事固有昔則是而今則非者乃若此耶前人建閣美意蕩然無存已縱後有同心亦祇慨想無聊耳如沿襲久何哉今年四月下旬日卓午僧寺忽傾佛剝落余聞而哂之曰僧依佛佛依僧僧奈佛何佛奈僧何旋有言閣圯者急往視之曰是以僧過故累也圯之其詎無意耶他日復過其處偕邑人士議曰閣可復乎閣復庶無負陸令未已也余且有事乎書院閣之旁置東西書舍爲諸生肄業地山環水匯繁人材畢集之

區也余將鳩焉請以金醵額之諸君子其肯將伯否
僉曰諾

社倉引

乾隆朝 楊際熙 邑人

社倉何爲而作也朱子爲備荒計作也宋乾道時崇
安大饑朱子寓其地請於府得常平米六百石以賑
給之夏貸秋收加二息率以爲常少歉蠲息半大饑
盡蠲行十有四年如原還府得息米三千石立社倉
於鄉年雖凶人不闕食吾鄉社倉之建助於雍正元
年亦猶行朱子之法也曩者先祖語同鄉曰農夫八
萍鄉縣志 卷十二 志文 編乙 近作 吳

口之家耕不過二三人田不過十數畝收不過數十
石完官租應公役又私自戚里往來慶弔相仍其所
贏無幾一家男女長幼衣食嫁娶皆出其中其儉者
析薪數米尚足以自給其稍耗者左支右詘已不免
剜肉醫瘡之患歲一值水旱家口嗷嗷操券以貸出
倍稱之息或仰求無門於是有賣田宅鬻耕牛以度
履歲者矣同鄉聞之皆曰然也公意若何先祖曰余
有志社倉久惜力綿無能爲役諸君子其同心否同
鄉曰義舉也願襄之凡共事者十有二人計穀六十

石取息二今行之十九年矣約積穀千有餘石微良法不及此獨念此十二人中先後謝世數已半其存焉者類皆頽然白髮恃杖而行先祖捐館後家嚴且身肩之矣如後進之多何哉詩云靡不有初鮮克有終先後進同不同未可知也今與同鄉約社首必公平曉事里中作過無行止人必嚴覺察貸穀之數以人口大小若干爲計穀分下田耘耨兩時支散交穀還倉不得過八月三十日穀濕惡者罰之悉仍如朱子崇安例約成家嚴命之執筆援其說爲引六年夏萍鄉縣志

卷十二 志文

編乙
近作

墓

五月

書

與苻燕亭明府書

乾隆朝
歐陽鶴鳴 彭澤

楊岐山傳云楊朱泣路之所浴室山爲其浴地竊以爲謬矣楊子無書列子云楊子之隣人亡羊多岐路岐之中又有岐此爲亡羊者言也謂朱泣岐路可南可北者則淮南子也朱過梁過宋遊魯往來皆在北南則僅一之沛未至吳楚也且朱卽一至歷數千里路之岐者何限乃獨向此山而泣且越十五里鑿池

而浴哉或曰浴室山有浴池此好事者爲之蓋亦太行山孔子轍耳孔子臨河而返未嘗至晉太行之險車不能行安得有轍然猶意在慕聖耳朱何如人而亦假借之耶或曰隋煬帝會陟此山向有壇見劉禹錫文王觀詩煬帝都洛陽南幸廣陵無來宜春郡事彼隋則楊姓何爲言岐且煬帝又惡宜祀哉爾雅云二達謂之岐旁顏延之賦臨歧矩步歧通作岐岐山在鳳翔府禹貢導嶺及岐是也狐岐山在汾州府禹貢治梁及岐是也意者此山亦連岐昔有楊姓居之

萍鄉縣志

卷十二

志文

編乙

近作

粟

故名與明府長才博古退食之暇知必辨核及之

上胥邑侯書

乾隆朝
柳榮欣 邑人

楚昭王渡江獲萍實於香水渡或云地屬醴陵竊謂地以事傳名以地定若旣屬醴則醴宜名萍萍不得名萍萍之地楚稱山楚王稱廟稱臺萍實稱里稱橋萍實之獲決不應在醴或又云楚王奔鄖適隨次年入鄖初未嘗至萍春秋時萍地屬楚或奔隨之後亦嘗潛師於此耶且萍與醴接壤若未至萍則必未至醴醴亦不得有香水渡承示之下謹略陳其所見

碑下

楊省源先生墓碑

乾隆朝 黃叔琳 宛平

楊省源者萍之老明經也映槐名省源其號也幼承父志嗜讀書長教授里中課弟子極謹嚴舉動一不中法必切責之僉稱爲經師居家喜賓客歲時伏臘親友多過從或邀田父野老話往昔問桑麻釀酒擊鮮窮日浹夕以爲常性豪邁慷慨好施與隨所觸必盡以償而家貫實不踰中人又恥爲陶白術以故日貧云翁嘗示其子當學爲有用人莫如讀朱子書行

萍鄉縣志

卷十二

志文

編乙

近作

夏

朱子事又言朱子社倉法爲古今備荒良策爰偕諸戚里行於其鄉變通成例薄權子母爲一鄉積貯計歲饑則啓倉貸之鄉人多全活翁之力也余謂翁喜賓客好施與似鄰乎任俠之所爲而諄諄於朱子之學則俠而儒者也且夫朱子之書天下皆奉規矩矣然或口誦之心背之甚且操戈入室起而擲掄之訾議之翁何其篤信若是不惟篤信且力行焉社倉之法人襲其名而翁獨求其實卽安得爲長吏者盡如吾翁哉嗚呼如翁者可傳也已翁生平積學不求聞

達於人以明經終卒年七十葬於林塘南山之陽子孫見家乘不具載

如松禪師壽塔碑

乾隆朝段 貴教諭

師名本茂字如松萍之羅氏子也少具夙慧以家儉故入寶積寺爲僧衆贊之曰梵林中又將添一上座矣及授經不甚讀授懺不甚禮老僧怪之曰始以汝爲戒律弟子乃今知爲嗔恚弟子也越後楚瀏陽之石霜寺有貫明和尚者說偈於車轍峯前師聞之親炙方丈備領法要忽大了悟持戒歸曰吾今誓以智率鄉縣志

卷十二 志文

編乙 近作 辜

慧劍破煩惱賊矣院東築小室默坐其間養清淨心現自在相一几一榻一爐一檠一衲衣一念珠一如意一銅磬一木魚終朝沉思而已老僧曰始以汝爲嗔恚弟子今乃知爲戒律弟子也師曰瀏陽之行解得一靜字境佛法應作如是觀墻有羅漢松一株倚立如僧小竹成叢旁作相扶狀師天機偶觸持麈尾披拂其處口占詩歌不假推敲宛中天然音節有謁之者輒謝之曰院適有佛事客姑去寺距城里許師肩戶足不履市者久記余來萍時師曳杖一晤後約

又六七年矣壬午夏五月余方思逃禪過寺訪師延
之入吐屬恬雅靜氣迎人真有得於禪定者師是時
蓋營壽塔月餘矣年將望六預有事乎石藏亦俗緣
無障得大夢覺意告余曰此梵家永宅也幸公見過
願藉一銘和南禮地下已乃銘曰

須菩提者 建窣堵波 經年面壁 真人達摩

樂哉佛國 攝修婆羅 茶毗身現 舍利子多

唐刺史歐陽琮公墓道碑

乾隆朝

胥繩武

知縣

獅子崖奇石蹲踞循蘆溪而南蓋山之巋然者上有

萍鄉縣志

卷十二

志文

編乙

近作

三

佳城千年松栢百尺藤蘿望之鬱鬱葱葱然市人告
余曰此唐吉州刺史歐陽琮公墓也公生於潭官於
吉葬於萍云余考新唐書宰相世系表通三世孫璟
琮璟爲侯官令琮爲吉州刺史此一証也考文忠公
族譜願孫詢詢生通通三世生琮爲吉州刺史葬袁
州之萍鄉子孫始家於吉又云琮當黃巢時攻破江
西州縣率州民捍賊鄉人賴以保全琮八世生萬爲
安福令萬五世生郴郴生子八在吉者皆公之後此
二証也考文公圭齋集言自吉州刺史琮下逮安福

府君此三証也羅大經鶴林玉露云歐公著族譜號
爲精密但詢在唐初至黃巢時幾三百年僅得五世
琮之後萬萬九世生脩琮在唐末至宋仁宗纔百四
十五年乃爲十六世後世譜牒散亡其難考如此歐
陽氏無他族其源流甚明尙爾矧他族耶羅之論則
誠核矣此蓋疑在世代非疑在事實也及檢吉安志
琮不入職官長沙志人物有頗有詢通無琮則豈非
二書之疎哉萍之歐陽氏千有二百家俱先後來自
吉易云積善之家必餘慶公之子孫無論其世居
萍鄉縣志

卷十二

志文

編乙

近作

三

吉州與古籍他鄉者今聚族於萍繩繩螿螿衣冠文
物其盛也若此天道之報施何其長哉余瞻公墓不
問而知爲望族公可謂善卜地余於公之子孫並可
卜天已世之言譜法者必本歐蘇歐譜以五世爲別
蘇譜以同世爲次以余論之遠近有序親疎有倫詳
不繁略不遺歐譜例爲尤善聞公之子孫敦倫睦族
將謀爲合譜之輯原原本本當有可觀其眞善承先
志者公墓故有碑記官階記姓氏公之子孫請余爲
文記其世次壽之於石以繫仁孝之思蔡中郎有言

吾爲碑銘多矣惟郭有道碑爲不愧余於公墓亦云

文下

祈雨文

乾隆朝 胥繩武 知縣

今者武受

天子命而來爲宰治此邑司此民是敢告爾城隍之神神聰明正直而壹以其撫字於斯者也武謂萍之邑陽久亢矣可再亢乎禾已稿矣可再稿乎武旣知之神豈不知武旣憫之神豈不憫武不之求武則溺職神不之應神則曠官武之建壇六日矣先期齋戒萍鄉縣志

卷十二

志文

編乙

近作

三

心不謂不誠朝夕禱求必步行意不謂不苦神昭昭耶抑憤憤耶如云憤憤雨施四境神似有功也如云昭昭雨之施幾何猶不雨也惡足爲神功昔李陽冰與神約曰五日不雨當焚爾廟神不爲民請命非虐民實忤武也武旣不德神盍牖武聰警武頑於民何尤神不牖武警武而忤武忤武必至虐民虐民者不神神旣不神愼無咎武之武斷請自今日始敢遷神位於外三日不雨神其無血食於萍

謝雨文

胥繩武

萍民望雨亟矣武禱於神爲民禱也神愛民禱必應
建壇之初武先期齋戒神似示以意然雨弗徧武步
行禱求日再三冀于神聽神不以爲瀆然竟不雨旣
六日武遂瀝情爲文且遷神位於外希激神怒神不
以爲慢然又恐不雨今月吉果雨雨果足民稱武力
武戴神功神之靈爲民非爲武也武爲民禱武爲民
謝請奉神舊宅以昭神貺武斷之愆神其諒之神得
毋曰長吏何前倨而後恭耶

祈晴文

胥繩武

萍鄉縣志

卷十二

志文

編乙

近作

高

惟神與武實司此土若暘若雨繁神是主今時陽月
淫潦是苦俾我民人怨咨黍稌秋成不豐晚稻可補
何靳其收何促之腐武用憂思不遑寧宇聿叩神祠
坎其擊鼓敬告城隍社靈田祖天心仁愛神善協輔
力放癡龍大啓晴煦言刈禾稼曝之場圃武或不德
苛猛於虎神降武咎勿我民怒

謝晴文

胥繩武

繫茲孟冬久雨妨農武禱神祠寅屬齊恭始告之辰
霖易以濛丙子丁丑密雲布空吉日維戊曉出曠曠

和氣網緝昭造化功詩人有言正直感通天高聽卑
惟神之聰衆心愉愉鼓音蓂蓂清酒肥牲以薦靈風
四時調順游祝年豐我城我社惠我無窮

頌

學宮告成頌

乾隆朝 徐乘時 訓導

百里萍鄉嘉名攸出維家語云謠傳萍實萍實之色
色赤如日萍實之味味甜如蜜兆在春秋孫吳是述
大聖一言千秋定律唐武德初學宮孔秩游歷八遷
允臧乃壹鳳嶺翩翩禹門栗栗山水春容地居安謐
萍鄉縣志 卷十二 志文 編七 近作 臺
辛丑紀年僉謀協吉式則尊崇制則堅密三載經營
厥功告畢二仲上丁精禋芬苾建學明倫升堂入室
風雅其才珪璋其質賢宰鐫碑子澄記筆譬若射師
懸爲穀率紫陽有言美哉已悉勗我諸生毋忘毋佚

贊

瑞蘭贊

乾隆朝 徐乘時 訓導

蕉綠庭階榴紅天氣爲訊阿蘭着花也未童子曰於
百千齊彙告我主人勞儂灌溉攜客來觀雲蒸霞蔚
君子品標幽人風味中有並頭姊妹芳艷雙朶同心

越奇越貴常說牡丹黃姚紫魏而我視之猶脂粉費孰似蘭香薰人心胃和乃致祥其斯之謂

將軍石贊

乾隆朝 歐陽潤 邑人

將軍將軍汝何爲者高一丈強何不操刀何不勒馬何不壘於山獵於野我問這將軍某姓某名是真是假答曰俺祖非他石將軍守信也

虎斑石贊

乾隆朝 鄧樹章 邑人

辨之者曰石疑之者曰虎醉哉李北平汝何不當其道沒其羽汝其逢周處耶曰是得毋與白額伍汝一萍鄉縣志 卷十二 志文 編乙 近作 真 聞之宜其唇吐幸哉背有石斑請公試數



聰明泉銘

乾隆朝 歐陽楷 邑人

維井如規維泉如乳麴曰聰明葉家景武我讀我書香溪之許進士一科咸淳年譜井也奚荒泉也奚苦昔之書齋今之蔬圃儒雅吾師搜奇博古爰命園丁荷鋤發土刈彼藤蘿石痕小補三尺新添一壺在視景武子孫亦念爾祖表之以標護之以堵書院街頭高朋四五酌斯飲斯沁人肺腑希爾聰明歸予鈍魯

此境此心秋水南浦

玉壺井銘

乾隆朝 胥繩武 知縣

五年宦况一片冰心知我知我無如汝深這般淡味
直到而今謂我將去意轉淋淋泉猶如此人何以任

跋下

讀龍神廟記集經語跋

乾隆朝 楊維城 邑人

祭法能出雲爲風雨者皆曰神龍德而正中者也吾
聞諸夫子曰民事不可緩也畋爾田時雨若神之格
思以穀我士女卜云其吉經之營之作廟翼翼禮也
萍鄉縣志 卷十二 志文 編乙 近作 稟
祭則受福表記其事也小子識之善夫郁郁乎文哉
始作秋七月大有年

讀萍鄉行詩跋

乾隆朝 張堉昌 邑人

甘棠集遺愛碑其宦途之濫觴乎吳侯別父老詩語
切情真縣人猶能誦之吳侯以遷除去吾夫子以註
誤去讀萍鄉行杼懷敘事惻然仁者之言六百字中
居官心思畢見於此念承任五載大有裨於我萍政
治之暇出以文章今雖置

遠已

萍鄉賦

乾隆朝 歐陽鶴鳴 彭澤

謀野子客乎萍鄉。東里子禮焉。越三載。語謀野子曰。客之嗜遊觀也。徧江漢。經梁陳。羈齊魯。歷幽燕。過衛趙。淹晉韓。模山範水。盡態極妍。往往徵諸耳目。寄以詩篇。今客萍鄉有年矣。凡一邑之情形。後先鉅細。皆備閱而熟研。盍揆華摘藻。一爲我傳之。謀野子曰。張平子兩京十年。左太沖三都十稔。余本旅人。且憚愚實甚。今欲操不律侯。漫爲斯賦。是以秦女彈趙箏。萍鄉縣志 卷十二 志文 編乙 近作 稟

越人織蜀錦也。然識雖一隅。竊不自檢。請據其所知。該括以論。夫萍鄉也者。野屬揚州。辰纏星紀。度臨南斗之交。階應上台之尾。占五位于烏衡。辨東藩于天市。考据則星經圖經。推詳則石氏甘氏。氣暖時舒。風恬景美。鴈行遲二月之天。晴煦愛三冬之晷。宜乎和藹長薰。嘉祥疊起。禾穎告豐。芝蘭誌喜。芙蓉之麗。三花石榴之丹。連理此天文之原委也。當其縣分寶鼎。郡肇安成。伊楚疆之通道。實袁境之樹屏。東接宜春。南界蓮廳。北隣瀏水。西近醴陵。其在隅也。巷開左右。

街列縱橫坊連前後井布城營其在鄉也。宣風蘆市則舟舫霧騰。湘東上栗則塵宇雲蒸。山則武功巍峻。大廣崢嶸。萬松崱嶇。九嶷峻嶒。天滋峭拔。斗澗超升。秀林蒼翠。高埤深閔。楚山鬱鬱。浴室層層。橫龍聳聳。長鶴青青。水則東西衍派。順逆分行。楊岐發。萍川凝。長灘淨。雙江平。羅霄出。蘆水澄。龜灘激。虹橋盈。石則奇兀。洞則幽冥。泉則洶湧。潭則晶瑩。語其形形則壯。語其景景則清。穀則早秬晚糯。蔬則蘆菘菠薐。草則芰菱萍實。木則杉竹女貞。花則紅梅丹桂。果則綠橘。萍鄉縣志

卷十二

志文

編乙
近作

冕

金橙藥則紫蘇乾葛。烏則鷓鴣鶴鶩。獸則牛羊豕獮。魚則鯿鯉鱖鯖。蟲則蜜蜂蠟子。貨則茶細麻。輕既物。生之孔阜。矧風俗之可稱。民勤以儉。士秀而英。此地。理之符徵也。爰是山繞高城。隄圍夾石。月升更院之。東風度女墻之北。以官署言。則大小皆適。以公所。言則重輕畢飭。堂室樓軒。亭階館驛。壇境埒其封。廟祠。啓其式。祭則克敬。克誠。神則有靈。有赫。暨乎舖舍。修治。置郵。絡繹。往來符節之傳。迎送文書之客。陂當車。棧以沿流。塘轉桔槔。而運液。水放科分。澮通土澤。問。

津渡則平岸一舟過橋梁則長欄百尺莫不整整齊齊周周歷歷此營建之規格也則見林林丁口濟濟黔黎化日光天之下重熙累洽之時田間耒耜隴上鎡基祈年報賽白酒黃雞租無逋負吏不呼追旣從輕而賦薄亦屋潤而家肥官廩則年年攸積民倉則在在咸宜樂今茲之醉飽免往代之仳離以及軍丁聚族屯產盈隄戶納秋糧之額船供北運之期境同富庶利協公私此田賦之敷施也爾乃明之以倫建之以學澤之以文章被之以禮樂廟廡則攸崇也官泮鄉縣志

卷十二

志文

編乙
近作

事

墻則孔卓也泮壁則聿新也堂楹則有覺也尊重臬比從容講幄春風則花到亭前翰墨則香聞樓角披典籍之精華聚生儒之卓犖並有書院峩峩鰲洲郁郁閣涵遠岫之青簾映秋江之綠柳徑三三蕉窻六六且也膳產充餘膏田成熟旣備禮以隆師亦取資而佐讀此學校之肅穆也至若弁營重設巡汛分添勁弓銳矢利刃堅函晝則試馬夜則鳴金門有守陴之戒村無暴客之侵又必扼岡于險憑谷于深樓臺屹屹壘壁森森關控乎案山以北隘居乎豸嶺而南

則有操之以法練之以嚴教場晴晝射圃花陰烈烈
熊羆之氣拳拳士卒之心惟鑒原乎古乃備計乎今
徹土者綢繆必預徒薪者曲突必禁此武防之詳諳
也蓋由道屬職官化先循吏唐萼肇學于縣南希顏
薦聲于天使黃分寧之政尙慈鄭三山之功興利孫
獻簡禮厚諸生何尙書嫺精吏治陸下邳愛士恤民
吳清河招亡賑歲尙三韓保赤惠商張上元釐奸剔
弊加以陸司簿之忠誠林廣文之靜邃大抵傳自口
碑徵諸行事若乃人是濂溪市經監稅學府儒宗風

萍鄉縣志

卷十二

志文

編乙

近作

三

光月霽自昔所稱以斯爲至此官師之品謹也以故
邑傳科第地毓才良宴赴春秋之會榜開甲乙之場
次如寶貢則學足聲昂也次如辟薦則行舉言揚也
次如例選則年壯才長也次如掾考則事敏能強也
有若封贈慶寵光也有若鄉飲加豆觴也有若耆壽
給膏梁也登之譜乘譽在邦鄉旣以多而益善亦相
得而愈彰此榮名之總綱也况乎各有自來賢尤非
偶論儒林者叔器親師懋修取友接道脉之真冠人
材之首論文苑者正字編書才子喚酒李氏重瞳簡

家老叟嚴壺琦章翰園則爲經學手天渠悔庵東堂則爲詩文耦論方正者彭博士之端莊朱副憲之擊培高縣尉之敢言湯知州之善守黃太學之丰規潘參軍之抱負簡侍御之議論無阿顏長官之笑言不苟論孝友者李陳開乎先鄧顏踵乎後或虎見墓而他遷或賊霽威而釋走或弟兄痛泣而言情或伯仲慇懃而曲誘論善行者言則由衷心則從厚迺種德于陰迺敦倫于久迺忠信無私迺篤誠無咎迺糧重不辭迺廩焚不糾迺德播鄉隣迺誼關授受迺公忍

萍鄉縣志

卷十二

志文

編乙

近作

三

自持迺剛嚴自剖論隱逸者道隱之儒則發芻蕘之口志隱之夫則辭布衣之綬遇隱之流則終老生之牖論游宦者宰官則任猛寬軍判則陳可否郡丞則著勤勞倅簿則敷臂肘府則教授五經縣則師傳二酉論武略者三將軍與勇能屈羣醜五昆季與才能除稂莠一國士與力能資糧糗論尙義者孰賑饑耶孰解人于械杻孰焚券耶若放魚于梁筍孰瘞骨耶忽封之以培塿孰飲金耶忽貽之以瓊玖孰修橋路耶恤行人于道右孰減息租耶拯窮民于斛斗論列

女者實婺星輝則壽康爲之母翠柏心聖則節烈爲之婦孝旣攸嘉貞殊可取要其俎豆者誰馨香者某一長固所必收三立斯爲不朽此人物之淵藪也若夫黃家山谷戴子天台文公理學范老詩才陽明經濟崇道品裁紀行程而切景撫客館以抒懷緬風流其未歇覺山水之都佳他如真人薈萃羽士徘徊武功廬舍葛令池臺黃衣拂起白鶴飛來徐仙犬怪毛女狐猜亦有一提錫杖幾兩僧鞋廣公禪定甄叔心灰會師戒行祖笑長齋因有曇華墨水寶積香階五

萍鄉縣志

卷十二

志文

編乙
近作

百三

峯天半廣利山隈瑤金水滌眞聖雲排得毋稱之以蘭若擬之以蓬萊此外流之等儕也別有水浸鳳池雲藏石室寺盤羅漢之松溪照瀟湘之月復有樓說分明堂名勞拙軒可避塵亭堪弭節故城之草萋萋新江之風瑟瑟掃壇之竹依稀龍鱗之木髣髴逮乎百尺藤蘿千年碑碣山寂寂兮嶺上雲路茫茫兮溪頭雪鶴皎皎兮令威魂石蒼蒼兮翁仲血亦足以寄念悲歌興懷存沒此古意之本末也維時堂堂大吏奕奕鴻儒念國家之重計呈奏疏之良模記則子澄

冠冕序則文正權輿楚臺一引密老一書劉碑禪塔
葛頌丹爐贊在泐潭之寺銘留仙子之居跋羨社倉
之記賦寫瀘瀟之圖詩則牛田雪後詞則花氣晴初
申以今逾乎昔後勝于初卷冊分而適配篇次定以
相符詩書精液子史膏腴鏗鏘音韻風雅規模吞才
人之墨燃學士之鬚擗名流之管操作者之觚思沈
慮靜神會手摹既精既美匪謬匪諛此藝文之蘧蘆
也舉此大凡撥其粗段思未纏綿語難琢鍊方詳屬
以新篇乃刻期于詰旦將得半而遺全幾挂一而漏
萍鄉縣志

卷十二

志文

編乙

近作

頁四

萬必也經之以陶鎔飾之以芳潤絲貴成綸素宜加
絢否則或類乎僖父之辭田家之諺東里子愛忘其
啗甫覽之而褒焉曰嘻可矣客何興之豪也且夫昔
人有作古訓非遙義關家語蹟著楚昭汎汎黃花之
渡坦坦宗濂之橋鄭公之陂漠漠甘將之壘翹翹唐
制使之兵謀善速元州同之義氣難撓苦斯之類皆
宜補遺而拾闕亦特舉而闡標庶克宜下集錦知不
等于續貂余時方記言載事汗簡抽毫茲後勁敵
彼前茅

詩下

覽景

冬日遊東山寺

順治朝

王政光

邑人

提屐來蕭寺寒風度遠山
鳥鳴深樹哀犬吠密籬間
遊客尋碑到高僧策杖還
禪堂何所立梅影入簾閒

烏龍橋

康熙朝

王相義

邑人

水碧長橋路正衝
村人云此號烏龍釣魚船上晴烟
繞沽酒店邊竹樹濃
兩岸桔槔喧客耳
幾番車馬數行踪
去來貪看秋波影
倒掛灘頭四五峯

萍鄉縣志

卷十二

志文

編乙

近作

重五

玉女峯

康熙朝

羅淳祚

邑人

玉女何年降佳氣
一山圍披來天孫錦化作美人衣
遠遊隨王母仙輶竟忘歸
時倚玲瓏石吐雲示靈機
我向江頭望形色
總依稀雨霽螺鬟出
遙遙入翠微

遊寶積寺

羅淳祚

寶積真名寺策杖喜追尋
不知山市近漸入嶺雲深
野竹延秋意寒飈襲桂林
禪房成獨坐悠然理素琴

龍泉庵

羅淳祚

泉以龍稱靈龍以泉為宅
長此山之深空餘地之僻

古木鬱青蒼白雲間朝夕小庵少人行石上苔痕碧

橫龍寺

羅淳祚

何地可披襟入山深復深樹連秋嶂碧雲罨午庭陰
倚竹生幽興窺泉印素心道人多靜悟空磬已傳音

登小南嶽

康熙朝 陳德岳 邑人

想齊南嶽名祇覺山何小旁瞰小山多高懸烟岫表

登九嶷山

康熙朝 劉正期 邑人

九峯疊出萍之東青青劃斷宜陽峯蘆水經流宣風
市此山如鎖彎如弓面拱羅霄互賓主左盤右踞揖

萍鄉縣志

卷十二

志文

編乙 近作 百六

龍虎羣山森列如兒孫一抹烟霞自今古人言楚南
九疑山影入蒼梧夕照間我亦來此添逸興仰看飛
鳥相往還登臨似有江山助身在白雲最高處林巒
萬疊不勝春山意留時水不去鬱蔥佳氣四時開招
手山靈靈欲來側身遙望楚王臺霸圖今日安在哉

寶積寺

雍正朝 王邦彥 邑人

寶積城南寺橋通古道平薄雲生屋角疎竹度鐘聲
愛共老僧話閑穿曲徑行山禽知客到晚眺亦多情

蓮池庵

一庵人境外秋氣正蒼蒼僧老儀容別山空歲月長
輕雲斜度石古樹立當牆且看蓮池水澄鮮映夕陽

鐘鼓山

乾隆朝

鄧錫禮

邑人

兩峯拔地起勢壓衆山小曲徑凌虛空飛度愁高鳥
上有白雲泉下注青林杪

登巖壺嶺

鄧錫禮

麗景動幽懷明發陟峻嶽仄逕盤空曲石磴緣碧蘚
氣接蒼昊齊幻共流雲變俯視人烟寒秋色渺難辨
峯頭蕭寺孤天際疎鐘散靜言愜幽獨悠哉領餘善
萍鄉縣志

卷十二 志文

編乙

近作

臺

香水渡

鄧錫禮

上有香水泉下有玲瓏石泉石相吐吞騷騷響朝夕
匯爲千尺潭春山倒來碧

橫龍寺

鄧錫禮

古寺藏山隅晴烟滿林薄春翠濃欲滴野花叢以灼
陰洞通元穴寒泉瀉幽壑方池一鑑開天光階前落
赤鱗二三尺愛向苔錢濯地僻境亦微眞全性不鑿
誰爲後來者相印此心樂

南塘庵

鄧錫禮

寒山載春陽其陰結蘭若空色虛廓深人跡石苔寡
山僧誦法華誰爲來聽者

登武功山

乾隆朝 劉 巍 邑人

仙去羅霄頂人來碧落天吉袁鉤帶水吳楚繡衿田
日出滄波動雲飛嶽氣連蒼松如老叟風雨不知年

題思永橋

乾隆朝 劉 峒 邑人

南來石澗貫蘆川木橋春漲飛湖天天涯客子思問
渡徘徊楊柳兩隄烟太原先生居上游道逢涉者心
悲憐臨崖伐盡江干石鼉梁鴈齒相排連長鎖銀波
萍鄉縣志 卷十二 志文 編乙 近作 稟

蓮池庵

乾隆朝 王 凝 邑人

一角孤雲嶺上懸蕭蕭松竹放輕烟老僧盡日耽禪
坐池畔何人解種蓮

橫龍寺

王 凝

翠微深處是僧家路入寒山一徑斜問客何來應有
意忙汲清泉喚煮茶

香溪橋卽景

乾隆朝 張司直 教諭

出水秧針綠未齊疎林何處郭公啼牧童約向城西
去不過平橋過小溪

陪胥燕亭明府觀惠民泉

乾隆朝邱

詳教諭

清泉何處竟飛來
日午天中忽海雷
疑是舍人文思湧
還從令宰惠心裁
松風互答如分韻
竹徑斜流欲遞杯
早識閒庭無一事
郊西數里可追陪

惠民泉

乾隆朝徐乘時訓導

郊西古寺倚層巔
一壑松風放紫烟
觀水曾經來碧澗
訪山新說出甘泉
花陰半護亭邊月
橋口斜通洞

萍鄉縣志

卷十二 志文

編乙 近作 臺

裹天掘地非關勞
斧鑿惠民端的爲溪田

惠民泉

乾隆朝鍾式金典史

見說橫龍寺山椒
半壁苔人行剛採
藥泉動忽驚雷
歷歷銀波轉溶溶
玉寶開詠歌徵茂
德公暇可浮杯

四奇亭

鍾式金

佳話爭傳遍新亭
卽舊亭地會留古蹟
名合載圖經
漱玉環花障垂虹
做畫屏此中聊可
喜檻外好山青

楊岐山

乾隆朝謝鳴盛南豐

楊岐山上雲脉脉
楊岐山下水瀟瀟
古木蒼蒼接天

青拳石高飛懸峭壁嗟爾楊朱泣路岐一毛不拔首
空白看我策杖登層巖山靈見我如相識探奇探到
奇盡時山作主人我作客

蘆溪卽事

乾隆朝 夏振魁 武昌

一尾金鱗酒一壺溪南桃樹着花無載儂小艇尋春
去看遍青山卽畫圖

登武功山頂

乾隆朝 歐陽臺 邑人

舉首唯天近登山不厭高樓窺賜谷日風度海門濤
觀占仙稱葛碑殘客姓陶羣峯遙對處俯祝盡兒曹
萍鄉縣志 卷十二 志文 編乙 近作 臺

登武功山

乾隆朝 王瑛 邑人

扶筇東上武功山聞說仙翁住此間石室空傳丹竈
冷棋枰猶在洞門開天低遠樹雲千里野出層溪水
四環道士嶺南新種藥荷鋤猶帶夕烟還

遊武功山

乾隆朝 王臺 邑人

萍邑稱奧域武功勢最尊盤亘數百里背面跨吉袁
巉巖攝衣上雲霧生足跟豈不憚艱險上有仙蹟存
仙池水空碧何處問仙源雞鳴觀日出舉頭星可捫
下視衆山小森列如兒孫

斗澗山

乾隆朝 王雲鳳 邑人

空谷無人語秋風獨鳥飛野花香滿澗嵐氣冷侵衣
倚杖看流水長吟對翠微我思天外遠還共白雲歸

登橫龍山

王雲鳳

山原秋氣高暮靄散平陸北鴈度遙天寒泉響空谷
涼風拂衣裾蕭瑟吟松竹松子大於拳竹韻如箏筑
此境非人間信爲靜者獨

遊寶積寺

王雲鳳

平生愛訪談禪客竹杖芒鞋閒自得秋風嫋嫋吹鳴

萍鄉縣志

卷十二

志文

編乙

近作

高

蟬大道斜連古寺僻青藤遮屋樹拂雲不知城市近
咫尺古佛猙獰肅容儀苔草當階映空碧倚牆惟有
羅漢松老僧靜對心脉脉爲訪山谷崇寧碑今存其
文忘其迹

城南卽景

乾隆朝 楊坦 邑人

可愛城南外秋光到處逢漁敲江上網僧撞午時鐘
游况添佳興詩情寄遠峯沿隄千尺岸何不種芙蓉

惠民泉

乾隆朝 賀夢達 邑人

四山如畫倚遙天午日風多出美泉有本不同溝雨

後含元應在海潮先流經石上苔還靜引人池頭鏡
欲圓野鳥也知新意思銜花啼向畫亭前

冠山閣觀萍水

乾隆朝 顏培元 邑人

橋連閣外水平溪派向東流轉入西幾度漁歌知境
遠一篙雲影覺天低青旗酒市橫斜岸綠樹人家左
右隄別愛鼇洲風况好數叢芳草自萋萋

嚴壺嶺

乾隆朝 鄧觀灝 邑人

嚴壺鬱嵯峩漠漠障遙野連綿如貫珠縱橫若勒馬
淡烟不可收松濤四時瀉眺遠有餘情悠然行路者

萍鄉縣志

卷十二 志文

編乙 近作 夏

鐘鼓山

乾隆朝 鄧寅 邑人

尖峯頂立對平峯午後晴雲雨後松想是幽巖棲佛
境高懸暮鼓和晨鐘

秋晚望嚴壺嶺

乾隆朝 鄧州 邑人

蒼蒼秋樹遙夕陽山際赭烟凝秋在山烟放秋在野

惠民泉

乾隆朝 文膺元 邑人

橫龍山隔萍城西幾間小庵山人棲上有青青之松
徑下有窅窅之泉溪午日晴和天正午山人採藥入
山鳴荷插走尋不盈筐霹靂一聲訝雷鼓烟騰直立

一丈強昂如巨蛇恣躍怒山人棄插走且僵一泉注
出如疾雨泉何清耶玉壺冰泉何甘耶石鑿乳山人
瞥見忽驚竒走上縣門告明府明府且聽心且驚朴
實老人慣賣獸虎跑卓劍皆幻耳詰朝有意試泉來
曲澗草茸穿成溜山趾如規闢一竇童子提餅汲新
嘗仰吐瓊沫當其脰何以烹之雙井茶山人傳語非
錯謬明府酌酒謝山神僉說山神長倚人泉哉泉哉
來有自天其惠我萍鄉民惠民之名從此始橋之建
兮亭之時縣人相逢羨新泉不羨香溪橋下水

萍鄉縣志

卷十二

志文

編乙

通作

壘

冠山閣

乾隆朝

胡增齡

邑人

雙雙畫閣倚雲開高跨鼇洲勢壯哉繞郭浮烟春水
漫當簾飛翠遠峯來文章妙得江山助詩酒新宜興
會催地氣恰教人事應縣民爭說映三台

城南秋眺

乾隆朝

歐陽漣

彭澤

踏過鳳凰池頭度經萍實橋口離離茂樹青橙嫋嫋
秋風白藕

過明山峯下

乾隆朝

楊維城

邑人

明山隔岸見羣山怪石參差對照間中有一峯垂首

立亂蟬聲裏老禪關

遊曹源洞

楊維城

見說普陀洞裏身問津漸已到仙津曹源不比桃源
幻也恐山靈欲笑人

鰲洲書院

楊維城

萍水之源自楊岐繞城直下湘之澗天設金鰲作縣
鎮奮鬣揚颺出水坻冠山閣起當平岸春風秋月讀
書時花飛風送東西院玩月長倚六賢祠有時乘興
狂呼酒有時濡墨笑吟詩觀水堂前閒坐聽燕亭夫

萍鄉縣志

卷十二

志文

編乙

近作

葛

子真吾師風流遙想後先宰來者何人去者誰

雨霽登冠山閣

乾隆朝 許廷輝 邑人

雨意遙天際秋風早放晴水雲開北岸烟火擁西城
排闥千峯影倚樓一笛聲酒帘招客飲吟去待詩成

登明山寺

乾隆朝 張培昌 邑人

老僧孰靜悟我亦想參禪楊柳雲頭寺梧桐雨外天
篆香雙幔出空磬一山傳不盡詩家意秋風語亂蟬

澣泉寺

乾隆朝 歐陽楷 邑人

知有高僧在冬來盡日閒齋鐘溪水下水臘雪寺前山

詩境孤烟外禪心一卷間徑寒無客到爲我掃松關

鼇洲書院

乾隆朝 鄧樹章 邑人

春樹秋風午院時牀前塵尾枕頭詩倚樓看到忘言
處雲在青天水在陂

萍署閒咏并序

乾隆朝 胥繩武 知縣

王摩詰朝川圖畫中詩也文杏館諸絕句詩中畫
也余公退之暇就署中景倣其意爲閒咏詩不足
稱畫云乎哉

寶廉堂

萍鄉縣志

卷十二

志文

編乙
近作

壘

讀律勝讀書爲求經世術諸侯之寶三而我貫以一
嘉瑞堂

休徵天所錫從政實無功獨念萍人病年年祝歲豐

檢書室

斗室足清興圖籍紛今古日夕放衙歸重編治縣譜

第一香軒

種花心自閒鳴琴吏云傲領取第一香引入猗蘭操

愛敬堂

娛親因捧檄樂事在庭幃日日堂前地攜兒學綵衣

搢山樓

高樓面山立一笏當雲際愛此垂紳容常如對天帝

荊花書屋

春時爛若霞問是紫荊樹婆娑書屋前欲乞詩人句

寒木軒

獨飲欲成醉開軒聊復醒秋來風日好花下讀騷經

楚臺

晚步古臺上四壁秋聲歇夜深人迹稀空階貯明月

蓮池

萍鄉縣志

卷十二

志文

編乙

近作

粟

池水長浮萍池面戲游鱗種出花千本憐渠不染塵

玉壺井

清濁有異用貪廉唯自反手汲玉壺泉滋余蘭九畹

萍鄉竹枝詞九首并序

胥繩武

竹枝巴歛也劉夢得居建平作新詞做屈子九歌
意颺之謳聲厥後吳儂楚些迭譜成詞多襲竹枝
之名不必巴郡也余宰萍以來日與民親其地其
時其人皆所稔歷徵諸土俗間以方言亦成竹枝
九首謂藉爲謔訪也可卽謂代爲歌謠也可

萍鄉城小山環城萍鄉鄉遠山縱橫人家日在畫圖
住多少青山不識名

東去江西寫官板西下湘東裝創划中五十里船不
到滿路桐油兼苧麻

五隅年例扮迎春忙煞城中城外人說道太平毛箇
事頑隨衡去跳儺神

方言讀太爲大讀大爲太無爲毛爾我爲衡頑

湘東水長好撐篙渡口船排半里遙各取小紅旗子
挂客來爭問買魚苗

插秧刈稻費工夫閩廣誰家要佃無議定批規閑自

萍鄉縣志

卷十二

志文

編乙

稟

管秋來見帖撥新租

方言他謂之閑

比半銅錢赴太街街南小店正新開不須細數零星
貨販得衡州烟酒來

錢以七十九文爲一比四十文爲半比

村婦肩挑石炭還蓬頭赤脚汗顏斑道旁一讓行人
俏不採山花插鬢間

蘆溪道中閩廣婦人多往來挑炭

黃花渡頭黃花稀金魚洲嘴金魚肥鳳凰池邊看月
上橫龍寺裏探泉歸

萍鄉風物似幽詩

劉後村先生句

此語前人不我欺五載長

官親閱盡公餘爲譜竹枝詞

訪古

萍實橋憶古

康熙朝 羅淳祚 邑人

客到橋南別有情，吳時萍實晉時名。
羣山樹色平依檻，一道江流曲抱城。
沙渚靜餘春草碧，水鷗閒逐暮烟輕。
共誰細數千年事，隔岸商船笑語聲。

楚王臺

康熙朝 趙鳴鏜 分宜

環嶺餘烟霧，孤城半草萊。
感時何易盡，懷古一登臺。
葉落楓林暮，聲飛笛篴哀。
悠悠萍實渡，客思自低徊。

訪五峯寺用山谷送密老韻

萍鄉縣志

卷十二

志文

編乙 近作

粟

乾隆朝 鄧錫祺 邑人

我亦性卧醉，雲鄉欲向僧。
廬洗俗腸松，風響答碧山。
澗勝地猶傳，古佛場五峯。
屹列冲天上，秀色一簾瞭。
如掌山谷老人亦愛禪，
卓犖真稱詩壇將。密老何如
慧遠賢，願招淵明長來往。
遙記當年佳景象，山房于
今成曲巷。

楚王臺

乾隆朝 鄧錫禮 邑人

當年萍實出，啓霸識幾先。
使者聘魯聖，昭王亦好賢。
如何返國日子西，持其權書社不能封。
此意竟徒然。

屯師在山北遺蹟久相傳高臺復何有鬱鬱凌蒼烟

楚王臺

乾隆朝 林有席 分宜

楚山高出白雲隈我來覽古心悠哉渡頭香水共徘徊
昭王霸氣久銷歇古木蒼蒼風發發臺畔空照山

頭月

秋日訪葛仙壇

乾隆朝 劉 峒 邑人

華表何年鶴喬山此日松洞門秋石瘦香鼎午烟濃
濕氣蒸簾幙寒聲助鼓鐘來尋勾漏令嶺上白雲封

拜唐刺史琮公墓

乾隆朝 歐陽鶴鳴 彭澤

萍鄉縣志

卷十二

志文

編乙 近作 覓

公生潭州公官吉州不葬潭州不葬吉州 一解 五丁

鑿穴鑿穴萍鄉啓我歐陽庇我歐陽 二解 祠祭刺史

墓祭刺史吉州孫子萍鄉孫子 三解 我祖侯官千年

一脉客在萍鄉家在彭澤 四解

聰明泉

乾隆朝 邱 詳 教諭

宋時舊井積莓苔珍重園丁次第開如許清泉非偶
出聰明絕世長官來

聰明泉

乾隆朝 梁崇沂 永寧

此井說聰明我殊學愚魯聰明愛上人愚魯心良苦

葛仙壇

乾隆朝 夏振魁 武昌

千丈巖頭放紫烟丹池水映一壺天
神仙亦有凡人姓誰道凡人不可仙

鄭公陂

乾隆朝 歐陽臺 邑人

綠楊烟雨暮春時隴上秧針出水宜
宋代到今稱幾令縣人猶說鄭公陂

葛仙壇

乾隆朝 王瑛 大

空壇曾說赤烏年人是凡胎骨是仙
只恐葛仙峯也幻從來山號武功天

萍鄉縣志

卷十二

志文

編乙 近作

臺

宗濂橋

乾隆朝 傅鑾 邑人

濂溪官在蘆溪處稅市曾經說宋朝前事也
知人似水新碑唯愛檻當橋倚看石岸沙
千點靜送漁舟月一橈有客徘徊秋興起
誰家樓上坐吹簫

聰明泉

乾隆朝 胥繩章 鳳臺

魯者乃聞道達者或日損何事聰明人
而不留渾沌

紀行

自湘東市遵陸至蘆溪

康熙朝 查慎行 海寧

黃花古渡接蘆溪行過萍鄉路漸低
吠犬鳴鷄村遠

邂逅萍蓬間依止相朝暮莫作秦越看四海一親故
茫茫虞州箴悠悠章亥步時哉不可期聖哲久行路
萍鄉道中
乾隆朝魯琢懷寧

雲居鋪口樹初遮亂石嶺頭路半斜小擔輕裝魚貫
去南鄉茶和北鄉麻

過山口巖卽事

乾隆朝劉崇安福

離家方嘆客途艱偶事騎驢到此間村徑行來泥滑
滑峽門聽去水潺潺地鄰安福無多路人過萍鄉幾
度山放去征鞍扶杖穩酒旗遙指綠楊灣

萍鄉縣志卷十二 志文

編乙 近作 臺

夜泊宣風市

乾隆朝張司直教諭

平江風細浪悠悠驚聽灘聲泝逆流亂石椿邊多水
碓疎林岸下見沙洲山容向晚低殘照月色當空浸
畫樓暫泊宣風沽美酒無人知是廣文舟

宿眞樂院

張司直

白雲深處一孤庵修竹垂陰翠柳毳佛說莫如禪境
樂我來且共老僧談石碑何處尋秦篆疎磬無聲放
晚參吩咐奚童須早起擔燈又向五峯南

旅次萍鄉

乾隆朝劉一珠蓮花廳

長橋連水水連天舟子相逢旅店前問客適從何處
去東門現有醴陵船

萍鄉舟中

乾隆朝 諶 琇 彭澤

舟行風亦便柔櫓不能張石障千陂出山圍一縣藏
暮江吳地盡春樹楚天長來日湖南路萍鄉是故鄉

萍鄉旅店

女史娟

烟鬟霧鬢泣秋風整日蓬窻不語中一點閒愁隨逝
水夜深和月下湘東

萍鄉旅次

女史 海寧

萍鄉縣志

卷十二 志文

編乙 近作 三

一日行來一日愁客途無奈懶梳頭夜來想作還鄉
夢杜宇聲聲月一鉤

書懷

萍鄉學署

康熙朝 熊啓光 南昌

彷彿杜陵老依人又卜居畋漁異邱壑採擷半琴書
樂志通游屐閒情判草廬一瓊存雅量閒坐意何如

萍鄉官舍作

乾隆朝 張 敕 知縣

謂我父母者我亦子婦之萍鄉環百里分符作有司
或愚或不肖教之力忘疲鞭撻尙不忍何事酷刑爲

亦曰有好民不義似怪鴟溺愛虧官法效尤恐益滋
肯以一官輕而使風俗漓

南塘庵讀書寫懷

乾隆朝 鄧錫禮 邑人

四山抱幽壑中有招提境芳巖綉古苔密林護塔影
開窓納流雲引泉出香井惟愛衲子居漸得禪心靜
同人懷出門汲深思修綆清夜聽疎鐘往往發深省

五峯寺有感

乾隆朝 鄧觀灝 邑人

莫向空山訪舊林五峯高處白雲深寒蟲語隔僧窓
外秋雨秋風夜夜心

萍鄉縣志 卷十二 志文

編乙 近作 壽

顯華庵讀書寫懷

乾隆朝 漆炳榮 邑人

一部南華一卷詩偷閒愛共老僧棋禪堂忽聽秋鐘
起看梧桐月上時

冠山閣春望寫懷

乾隆朝 歐陽蝻 邑人

四圍嵐氣蒸山市一帶晴雲見水鄉看徧樓臺歸書
境收來花鳥入詩囊

輯新志張希顏傳題此

乾隆朝 胥繩武 知縣

天使經行當採風驛橋更鼓客程中於今莫話希顏
事千載伊誰似范公

留守金陵不愛錢相逢祇問好官員如何史傳輕遺
却多少人言願執鞭

萍鄉行

胥繩武

甲辰歲夏五余適次章門忽傳萍鄉信水漲幾成淵
開書讀未竟淚下心焦煎火急呼僕役莫憚行路難
五日入萍界舉目殊舊觀宣風稱鬧市十室九不完
通衢積深凜冷竈無炊烟市民見我至哽咽不能言
訴云廿一日蛟出武功山洶湧在頃刻平地波濤掀
幸獲逃微軀重覩長官顏扶我過斷橋我行益淒酸
萍鄉縣志

卷十二

志文

編乙

近作

臺

道旁視民舍多餘孀與鰥哭聲長不輟垂老失兒孫
更聞子喪父並見兪尋昆卓午到蘆溪蘆水覺腥羶
被災復何如一如宣風然巡檢著短衣營弁求布禪
暫經乏市易幾欲廢饔飧我爲五載令無德能感天
忝寄百里命何以撫彫殘束有常平倉貯穀偶無患
卽日啓封識發粟敢嫌專萍境西南北水勢聞稍馴
尉屬助余勞往稽愼且勤差異束境甚數鄉厥維均
中唯遵化鄉種種尙瓦全嗟爾蛟作孽流屍沙壑填
蕩我千家屋石我千頃田手寫萍民圖馳騎呈上官

直詞無粉飾披歷爲民艱情事倘未悉毋乃疑吾謾
我聞大中丞心在愛元元新自長沙移遠迎插嶺關
爲細陳水害詰朝許共看是時天久霽崖壁留泥痕
中丞下車望徘徊起長歎昔年赴楚任曾此歇征鞍
方謂真樂土詎意成荒村令乃民父母勿憂上官嗔
言已促登輿飛章解倒懸遂得請國帑亟買鄰邑錢
升堂檢簿冊戶戶親區分旣分各佇聽我誨亦諄諄
汝農毋或惰努力事耕耘汝士毋或曠寒窻守清貧
汝工暨汝商毋或習逸巡生者莫攸居茅屋補松椽

萍鄉縣志

卷十二

志文

編乙

近作

憂

死者傷暴露速與營冢墳頻日放衙退太息羞素餐
賑恤固成例尤藉中丞賢萍鄉辛卯夏潦患曾相延
上官絡繹來下民多驚喧今買倍前事風俗忽樸淳
應知念我拙願免長官愆誰料滋咎戾翻令他事牽
解官辭署出民意仍拳拳哀爾瘡痍形病者漸以痊
我作萍鄉行聊當鴻鴈篇萍人勿多訝宦途難具論

贈人

別萍鄉父老

順治朝

吳興祚知縣

寸心嚴夙夜三載耐清貧我勉爲良吏汝長作善民

臨岐揮淚急贈別寫情眞回首萍川路何時再與親
遊曇華寺贈月明和尚 康熙朝 羅淳玠 邑人

色色空空古大千悟來妙諦祇當前鳥啼花褪無窮
思春水秋山自在禪信道拋除身外物須知勘破火
中蓮佛壇經卷多如許羨子和南四十年

宿萍鄉貽邑令

雍正朝 晏斯盛 新喻

邑居西江上孤城百尺臨水流三楚近山過九嶷深
社里喧春鼓晴光散夕陰高言來令宰妙緒可清心

乙酉元夕旅次贈鄧悔庵

乾隆朝 陳浩 昌平

萍鄉縣志

卷十二

志文

編乙 近作 臺

遠來同作客中身元夕初交兩日春促席杯盤今夜
月踏燈簫鼓一街塵不圖好會眞知已應笑狂兒是
酒人林卧豈須公等在雪消水泮露華新

答鄧悔庵

乾隆朝 袁汝璧 宜春

爲謝清華客天邊託鯉魚頻年離別恨尺素友朋書
漫作相如賦空懷鄧禹居自憐還自惜流落在樵漁
遊寶積寺贈如松上人 乾隆朝 魯琢 懷寧

鬱鬱梵林山岵岵寶積寺城北聳衆峯當門獻嫵媚
古殿掩秋苔疎磬時一至我來爲參禪落花在平地

老衲復何如閒房飽詩思案堆瑜伽經胸篆乳乃字
言訪羅漢松涪翁曾手植距今五百載倚牆滴蒼翠
外戶卽虎溪送客遵成例我亦似淵明解得遠公意
答楊東堂

乾隆朝 嚴秉珩 分宜

故人三載別天末一書來可是憑青鳥何緣寄隴梅
風塵慚下吏升斗愧南陔若問公餘事新詩付酒杯

贈如松上人

乾隆朝 楊際熙 邑人

一頂袈裟一藏經木魚聲響隔疎櫺廿年禪定應誰
似松比僧容月比形

萍鄉縣志

卷十二

志文

編乙 近作 翼

贈如松上人

乾隆朝 劉 巍 邑人

如松不比大夫松曾見如松羅漢容問松真如羅漢
否答云羅漢是如松

盩洲書院留別同志

乾隆朝 歐陽鶴鳴 彭澤

我來記秋初我去當冬暮雪點楊岐山風汎萍川樹
上馬揖故人叮嚀語無數欸欸別情多馬蹄驕不住
舟子在蘆溪買魚約我渡來朝布帆開寒雲千里路

贈胥燕亭明府

乾隆朝 蔣知讓 鉛山

我來萍西三十里停船沽酒湘東市逢人開言問縣

官聞道縣官清似水縣官玉貌方少年掩映鳳凰池
上蓮縣官神智不可擬隨地湧出聰明泉鰲洲上建
談經舍官至層層起高榭詞源手挽漑儒林書聲靜
逐泮川瀉齋壇親草祈雨文萬絲密破西郊雲龍祠
一堵卑且隘官來立廟酬神勲我得此言已心樂且
說且聽連諾諾更說今年一事奇午日道人方采藥
忽驚平地繞金蛇雲裏之面尙拿攫醴泉注出一泓
清消息應時甘似酪官來支亭嵌碑記十笏蓬麻手
親斫公然墾土得舊基古礎方花占三角不解當年
泮鄉縣志卷十二 志文 編乙 夏堯 近作

陸長官疊砌量階爲官作聽罷歸船酒興長明朝挾
故升官堂問官何術能致此官笑不語神昌昌告我
新修地圖志略悉民情裨吏治邇來朝夕費精神旁
搜數百年來事我起摳衣爲官賀天下似官能幾個
官修祠祭祀循良他日爲官添一座

僊鳥吟爲胥燕亭明府作

乾隆朝

彭賜駿

桐城

迦陵有僊鳥長嘯若鸞笙文采備五色翩翩羽翼成
朝爲碧落遊暮爲返蓬瀛垂翅非所願濯露餐其英
一朝墮塵埃鸚雀笑佇儻翳彼稻粱謀焉知沖風鳴

上胥燕亭夫子

乾隆朝 文膺元 邑人

萍川倒走楊岐水下通湘江流千里鼇洲長巨障迴
瀾上有高閣溪頭峙書院由來幾春秋前者賀侯後
沈侯佛門何爲當後院儒生釋子紛居游講堂鐸聲
禪堂磬齊人之傳楚人咻丹川夫子振文風僉稱儒
吏了不同首延名宿造多士一時氣象何雍容急驅
緇流歸佛寺六賢增祀周公百年缺事一朝舉毅
然斷自公心胸拓茲書舍新茲宇前無容膝今安處
楚楚衣冠羔鴈羣東西院作文章府冠山閣兮觀水
萍鄉縣志 卷十二 志文 編乙 近作 稟

堂蜀之文翁在萍鄉院前新植垂絲柳他年爲公頌
甘棠

上胥邑侯

乾隆朝 羅炳蔚 邑人

昌黎先生闢佛老火書廬居竟風掃佛老二氏爭宗
門老氏不如佛氏好佛氏一瓶一鉢來引人慈悲人
傾倒儒家不信佛家言讀書所貴聞大道我謂賢侯
之心胸吏部文章經意造鼇洲書院住沙彌暮鼓鼗
蓼晨鐘擣儒耶僧耶冰炭心書生翻觸空門惱侯曰
不然盍驅諸驅之不去敲枹棹沙彌聞說太匆忙袈

袈在手佛在抱曰歸曰歸歸舊庵誰招來者今麾早
東西書舍生徒多六經根柢百家豪冠山閣上朗吟
哦觀水堂前恣參考肺如葉發心如花官作父母作
師保院丁倚窓也學書法摹右軍誇筆藻昨日階除
春草生猜是鄭家書帶草

學宮成寄張秋澹夫子

羅炳蔚

階傍欄杆藻傍池堂東新立子澄碑戟門起得高如
許報道萍川勝昔時

客有問佛法何起者口占答之

萍鄉縣志

卷十二

志文

編乙

近作

莫一

乾隆朝

僧祖笑

邑人

起起無終何始優曇花功德水巖上三生嶺頭隻履
道在眼眶前法藏鼻孔裏說來不姓不名忘却誰非
誰是老僧居永昌可乎西天佛祖笑而已

詠物

仙人石二首

康熙朝

王

岱

邑人

有仙何不來憑石著棋子一榻足長伸待呼誰納履
仙翁何處歸不肯傳名姓石上足痕青年年秋月映

題石僧

乾隆朝

柳文楷

邑人

山有古寺石齒齒寺前有洞藤蘿裏石頭和尚竟頽
然一卧千年未曾起胡爲不肯飛錫去我欲喚醒一
問耳爲愧人間肉食僧答曰我寧卧於此骨骼稜稜
在石牀不輒不轉定宗旨月到牀頭印禪心滿洞春
風皆知已我會此意欲點頭乍見白雲生石几

羅漢松

乾隆朝
文華元 邑人

巍巍古寺住南郭蕭蕭竹木白雲區小僧指我院東
壁羅漢松立如浮屠山谷老人真解事標題處處留
名字羅漢應仰作前身秋月春風藏山寺崇寧經今
萍鄉縣志 卷十二 志文 編乙
近作 墓

羅漢松

乾隆朝
劉一珠 蓮花

涪翁何事入疎林手植蒼松一樹陰古榦渾忘生老
病靈根不計去來今應教蒼荀慙禪友欲共優曇印
道心昨夜秋風吹殿壁請君聽取隔牆音

題萍署紫荆花

乾隆朝
張文炳 山陰

荆樹有新花占得春顏色托根庭院中不肯儕榛棘

題萍署瑞蘭

乾隆朝 胥 濂 鳳臺

一花香有餘况茲百千朶花神厭岑寂姊姊相並坐
猶覺隔形神中分彼與我翕然合一體迎風增婀娜

猴石

乾隆朝 楊維城 邑人

許長怪石倚雲開幻作獼猴坐捧顛為問秋風山葉
裏可偷香果獻誰來

石僧

乾隆朝 何炳中 邑人

汝非知說法何為冒生公汝性亦頑爾點頭恐難同

萍鄉縣志

卷十二

志文

編乙 近作 畧

不衣不笠當風雨山樵喚僧僧不語

永昌寺栽竹

乾隆朝 僧祖笑 邑人

寺前有餘地道者荷鋤時種竹待成林時送涼風至

詞

飛雪滿羣山

抵萍鄉

乾隆朝 蔣知讓 鉛山

淥水移舟萍川催渡故鄉第一旗亭湘東市外黃花
橋側好山都展銀屏逼貂裘寒色破酒力微醺乍醒
滿腔吟思填胸古恨何以慰飄零 此地是楊朱垂

泣處何堪風雪。歲晏車停腰弧縱。獵射覆尋舊
夢夢無靈甚。袁安高卧蓬廬下。千秋令名飛雲撲面
絲絲不覺雙鬢星。

蝶戀花

立夏前一日集四音亭餞春值雨

乾隆朝 胥繩武 知縣

閏月今朝纔十五。底事來朝便放春光去。芳樹倦紅
啼杜宇。山亭自愛黃鶯語。人醉斜陽天欲暮。酌酒

臨風再唱留春句。莫道東皇渾不許。歸途別送桃花

萍鄉縣志 卷十二 志文 編乙 近作 夏

雨

滿江紅

九日偕友登冠山閣 胥繩武

雨洗秋空剛是爲重陽。此日臨眺處。萍城如繪。寒烟
蕭瑟。流水咽斜殘。照影西風吹老。青山色。倚闌干不
語。自生愁心誰識。循故事。攜嘉客。品好景。舒胸臆。
看金鰲洲畔芙蓉新。坼獨對黃花開口笑。問君可記
陶彭澤。向尊前醉倒。賦歸來。今猶昔。

